



服部文庫  
117  
191  
3



117  
191  
3

禮經釋例卷四目錄

飲食之例中

凡一人舉觶為旅酬始二人舉觶為無算爵始

凡旅酬皆以尊酬卑謂之旅酬下為上平食五爵之類

凡旅酬不及獻酒者不與旅酬於賓用爵梁惠蓋

凡旅酬皆拜不祭立飲

凡旅酬不洗不拜既爵水澆

凡無算爵必先徹俎降階禮

凡無算爵皆說履升坐乃羞禮

凡無算爵不拜唯受爵於君者拜



凡無算爵堂上堂下執事者皆與

凡奠爵將舉者于右不舉者于左

凡君之酒曰膳臣之酒曰散

凡食禮初食三飯卒食九飯

凡設饌以豆爲本

凡正饌先設用黍稷俎豆加饌後設用稻粱庶羞

凡初食加饌之稻粱則用正饌之俎豆卒食正饌之黍

稷則用加饌之庶羞

凡正饌醯醬大羹滫加饌簋粱皆公親設

凡公親設之饌必坐遷之公親臨食必辭之

凡食禮有豆無籩飲酒之禮豆籩皆有

凡食賓以幣曰侑幣飲賓以幣曰酬幣

凡燕禮使宰夫爲主人食禮公自爲主人

共二十例

禮經釋例卷四目錄


禮經釋例卷四



飲食之例中

欽凌廷堪次仲學

凡人舉觶為旅酬始二人舉觶為無算爵始

廷堪案鄉飲酒禮主人獻眾賓畢一人洗升舉觶于  
賓注一人主人之吏發酒端曰舉鄉射亦然此一人  
舉觶為旅酬始也至樂賓畢立司正後賓即取此觶  
以酬主人少長以齒終於沃盥者謂之旅酬故注云  
發酒端曰舉也旅酬畢使二人舉觶于賓介注二人  
亦主人之吏鄉射則使二人舉觶于賓與大夫

鄉飲酒若

有大夫則亦舉此二人舉觶為無算爵始也至徹俎

解於賓與大夫說屢升坐後賓介即取此二觶以酬主人與眾賓射鄉

禮大夫之觶長爵行無算執觶者皆與謂之無算爵

受注長眾賓長此皆飲酒之正禮也特牲饋食禮之旅酬無算爵則

祭畢之飲酒也西階前之一觶即主人酬賓之觶至

嗣舉奠後兄弟弟子復舉東階前一觶為旅酬發端

是雖有二觶實亦一人舉觶也旅酬畢賓弟子及兄

弟弟子洗各酌於其尊賓弟子酌西階之尊兄舉觶

於其長為無算爵發端是亦二人舉觶也皆與飲酒

正禮同亦有二人舉觶為旅酬始者燕禮大射主人

獻賓後使二大夫媵爵於公公取一觶為賓舉旅行

酬主人獻卿或獻孤後又使二大夫媵爵於公公若

命長致則一人奠觶於前取酬賓之觶之空處公又

行一爵為卿舉旅行酬主人獻大夫後升歌畢公又

行一爵為大夫舉旅行酬笙奏間歌畢立司正大射

正後即主人獻士後賓媵觶於公公舉之為士舉旅

行酬此飲酒之正禮也有司徹旅酬是祭畢備尸之

禮上賓三獻後二人舉觶於尸侑尸舉一觶以酬主

人為旅酬發端皆二人舉觶唯賓媵觶於公為一人

然燕禮大射為賓為卿為大夫旅酬雖二人媵爵所

行者實一觶有司徹旅酬雖二人舉觶所行者亦尸  
一觶也亦有一人舉觶爲無算爵始者有司徹無算  
爵賓所舉之一觶卽前主人酬賓之觶至旅酬畢兄  
弟之後生者舉觶於長與前主人酬賓之觶交錯爲  
無算爵是雖一人舉觶所行者實二觶也燕禮大射  
旅酬皆三次初次爲賓旅酬此二大夫所媵二觶中  
之上觶也二次爲卿旅酬此前二大夫所媵二觶中  
之下觶也三次爲大夫旅酬此獻卿後二大夫中一  
人所媵於旅賓空處之觶也至合樂後大射則爲大射後爲士旅酬則賓所媵之觶也鄉飲酒鄉射旅酬

祇一次用一人舉觶以發端無算爵則用二人舉觶

以發端皆不用主人酬賓之觶主人酬賓之觶主人酬賓之禮盛故

也若特牲旅酬賓酬長兄弟卽用主人酬賓西階前

之一觶有司徹無算爵賓及兄弟交錯其酬亦卽用

主人酬賓西階南之一觶祭畢飲酒之禮殺故也

又案特牲饋食禮主人酬賓節主人洗觶酌于西方

之尊西階前北面酬賓賓在左主人奠觶拜賓答拜

主人坐祭卒觶拜賓答拜主人洗觶賓辭主人對卒

洗酌西面賓北面拜主人奠觶于薦北賓坐取觶還

東面拜主人答拜賓奠觶于薦南揖復位戴氏震曰

上經賓北面拜主人奠觶於薦北下云主人答拜答  
賓北面之拜也賓坐取觶還東面下不得有拜字故  
注但云還東面就其位况賓取觶未奠亦無持觶拜  
之理拜字不知何時誤衍宋本已然矣無賓兩拜主  
人答一次拜者凡拜皆北面戴說是也考下文旅酬  
兄弟弟子洗酌於東方之尊阼階前北面舉觶於長  
兄弟如主人酬賓儀疏云如主人酬賓儀者長兄弟  
北面拜弟子奠於薦南長兄弟坐取觶還西面拜弟  
子北面答拜長兄弟奠於薦北揖復位此是賈氏由  
上節經文推出者還西面拜與上經還東面拜正同

則戴氏所謂拜字誤衍者唐初本已有之但賈氏未  
能訂正耳

又案特牲旅酬用主人酬賓之觶發端無算爵用賓  
弟子兄弟弟子二人所舉之觶發端有司徹旅酬用  
二人舉觶於尸侑之尸觶發端無算爵用主人酬賓  
之觶發端是特牲之旅酬如有司徹之無算爵亦士  
禮殺於大夫之義也

凡旅酬皆以尊酬卑謂之旅酬下爲上

廷堪案鄉射禮旅酬司正升自西階相旅作受酬者  
曰某酬某子注某者字也某子者氏也稱酬者之字

受酬者曰某子旅酬下為上尊之也春秋傳曰字不  
 若子燕禮旅酬更爵洗疏尊者與卑者之爵不言易者旅酬下為上故不言易而言更也鄭氏  
 此注即中庸旅酬下為上之確解也考旅酬之禮惟  
 飲酒始有之凡飲酒之禮有獻有酢有酬有旅酬有  
 無算爵此一定之節次也雖祭畢之飲酒亦然獻酒  
 用爵燕禮大射宰夫為主人則用觶下爵一等也皆主人獻之酢亦用爵  
 禮盛者則酢主人酬酒用觶唯主人酬賓而已至於  
 旅酬則賓酬主人主人酬介介酬眾賓皆以尊酬卑  
 故曰旅酬下為上也獻酒賤者不與至旅酬無算爵  
 則凡執事者無不與終於沃洗者故曰所以逮賤也

蓋獻酢酬所以申敬旅酬無算爵所以為歡也如鄉  
 飲酒旅酬賓北面坐取俎西之觶此即一人所舉之觶疏云前主人酬賓奠於薦東者不舉故言俎西以別之阼階上北面酬主人主人降席  
 立於賓東賓坐奠觶遂拜執觶興主人答拜不祭立  
 飲不拜卒觶不洗實觶東南面授主人主人阼階上  
 拜賓少退主人受觶賓拜送於主人之西賓揖復席  
 此賓酬主人也又云主人西階上酬介介降席自南  
 方立於主人之西如賓酬主人之禮主人揖復席此  
 主人酬介也又云司正升相旅曰某子受酬受酬者  
 降席司正退立於序端東面受酬者自介右眾受酬



者受自左拜與飲皆如賓酬主人之禮辯卒受者以  
 觶降坐奠于篚司正降復位此介酬眾賓眾賓又以  
 少長為次序相酬也鄉射旅酬同唯無介賓酬主人  
 後則主人酬大夫若無大夫則長受酬亦如之又司  
 正升自西階相旅作受酬者曰某酬某子與鄉飲酒  
 某子受酬異又云辯遂酬在下者皆升受酬於西階  
 上亦較鄉飲酒為詳蓋賓尊于主人主人尊於介射  
 則大夫介尊於眾賓是以尊酬卑也鄉飲酒義云少長  
 以齒者如酬眾賓則先酬其最長者最長酬其次長  
 者以次而及最少雖以少長為先後亦是以尊酬卑

也長尊於少今以長者酬少者故曰以尊酬卑燕禮公為賓舉旅行酬坐

取大夫所勝觶與以酬賓賓降西階下再拜稽首公

命小臣辭賓升成拜公坐奠觶答再拜執觶與立卒

觶賓下拜小臣辭賓升再拜稽首公坐奠觶答再拜

執觶與賓進受虛爵降奠于篚易觶洗經又曰公有

洗凡旅酬賓主之禮賓酬主人皆反升酌膳觶下拜賓先卒觶然後實觶以授主人

稽首公答再拜此公酬賓也又云賓以旅酬於西階

上射人作大夫長升受旅賓大夫之右坐奠觶拜執

觶與大夫答拜賓坐祭立飲卒觶不拜經又曰若膳

解洗升實散方壺之酒為散非膳尊也大夫拜受賓拜送大夫辯受

酬如受賓酬之禮不祭卒受者以虛解降奠于篚此

賓酬大夫諸大夫兼三卿而言又以爵之尊卑為次序相

酬也為卿為大夫舉旅行酬皆於西階上如初為士

舉旅行酬亦如初大夫卒受者與以酬士於西階上

亦以士之尊卑為次序也大射旅酬大略相同大射與以

酬賓注公起酬賓於西階降尊以就卑也亦旅酬下為上之義蓋公尊於賓賓尊於

卿大夫賓雖大夫為之然命卿大夫尊於士以公酬之為賓則尊于卿矣

賓以賓酬卿以卿酬大夫以大夫酬士亦是以尊酬

卑也此皆飲酒正禮之旅酬也特牲饋食禮主人酬

賓之觶奠於薦北籩豆之左也賓取之奠於薦南籩豆之右也賓

位西階前東面故北為左而南為右俟主人獻長兄弟眾兄弟內兄弟

畢至長兄弟眾賓長加爵及嗣舉奠後兄弟弟子始

於阼階前北面舉觶于長兄弟如主人酬賓儀此觶蓋兄弟

弟弟子先奠於薦南長兄弟取之奠於薦北此二觶長兄弟位阼階前西面則南為左而北為右

皆旅酬之發端也於是賓取主人酬賓之觶阼階前

北面酬長兄弟長兄弟在右賓奠觶拜長兄弟答拜

賓立卒觶酌于其尊東面立長兄弟拜受觶賓北面

答拜揖復位此賓酬長兄弟也又云長兄弟西階前

北面眾賓長自左受旅如初長兄弟卒觶酌于其尊

西面立受旅者拜受長兄弟北面答拜揖復位衆賓  
 及衆兄弟交錯以辯皆如初儀此長兄弟酬衆賓衆  
 賓又酬衆兄弟各以尊卑少長爲次序而相酬也長  
 兄弟又取弟子所舉之觶以酬賓如賓酬兄弟之儀  
 蓋賓尊於衆賓長兄弟尊於衆兄弟交錯以辯亦是  
 以尊酬卑也有司徹旅酬則賓三獻後使二人舉觶  
 於尸侑侑奠解於右不舉尸舉一觶北面于阼階上  
 酬主人主人在右坐奠爵拜主人答拜不祭立飲卒  
 爵不拜既爵酌就于阼階上酬主人主人拜受爵尸  
 拜送尸就筵此尸酬主人也

有司徹是祭畢償尸之禮略如飲酒尸如賓侑

如又云主人以酬侑于西楹西侑在左坐奠爵拜執  
 爵與侑答拜不祭立飲卒爵不拜既爵酌復位侑拜  
 受主人拜送主人復筵此主人酬侑也又云乃升長  
 賓侑酬之如主人之禮此侑酬長賓也又云至于衆  
 賓遂及兄弟亦如之皆飲于上

償尸旅酬在堂上與特牲異

遂及

私人拜受者升受下飲卒爵升酌以之其位相酬辯  
 此衆賓與兄弟及私人各以尊卑少長爲次序而相  
 酬也蓋尸尊於主人主人尊於侑侑尊於長賓長賓  
 尊於衆賓兄弟及私人亦是以尊酬卑也此皆祭畢  
 飲酒之旅酬也比而觀之豈非旅酬以尊酬卑卽以

下為上乎鄭氏於鄉射注已詳言其義且引中庸旅  
 酬下為上以證之而於禮記中庸篇復注云旅酬下  
 為上者謂特牲饋食之禮賓弟子兄弟弟子弟子今本誤作  
之子唯孔疏尚作弟子各舉解於其長也逮賤者宗廟之中以  
 有事為榮也蓋旅酬唯獻者得與其餘執事之人必  
 至無算爵然後與鄭氏欲明逮賤之義故引特牲賓  
 弟子兄弟弟子發端之文以括無算爵非謂旅酬亦  
 非謂舉解於其長為下為上也爵至無算則神惠均  
 於在庭凡執事者以得與飲酒為榮不執事者則不  
 與故曰以有事為榮非謂舉解為有事也孔氏正義

不知引鄉射注博考禮經疏通證明但因文而妄為  
 之說至中庸章句因舊注復增故逮及賤者使亦得  
 以申其敬也二語而鄭義益晦自是數百年來踵譌  
 襲謬不啻郢書燕說無有能辨正者矣  
 又案有司徹下大夫不饋尸之禮賓兄弟交錯其酬  
 無算爵疏云此堂下兄弟及賓行無算爵似下大夫  
 無旅酬疏說非也上經饋尸之禮賓及兄弟交錯其  
 酬皆遂及私人爵無算此專謂無算爵也此經云賓  
 兄弟交錯其酬者謂旅酬也云無算爵者謂無算爵  
 也與上經爵無算承上文而言者不同考鄉射詳言

無算爵之禮鄉飲酒則但云無算爵不復及其儀節亦此例是不償尸未嘗無旅酬也

凡旅酬不及獻酒者不與

廷堪案鄉飲酒記主人之贊者西面北上不與注贊佐也謂主人之屬佐助主人禮事徹鼎沃盥設薦俎者與及也不及謂不獻酒又云無算爵然後與注燕乃及之是不及獻酒者不與旅酬也禮記鄉飲酒義賓酬主人主人酬介介酬衆賓少長以齒終於沃洗者焉孔穎達亦引鄉飲酒記證少長以齒終於沃洗是無算爵之節考鄉飲酒旅酬辯卒受者以觶降坐

奠于篚注辯辯衆賓之在下者鄉射旅酬辯遂酬在下者皆升受酬于西階上卒受者以觶降奠于篚注在下謂賓黨也是旅酬不及衆賓以下也燕禮大射公爲賓旅酬云大夫辯受酬如受賓酬之禮卒受者以虛觶降奠于篚爲卿爲大夫旅酬皆如初並不及大夫以下至爲士旅酬始云大夫卒受者以爵與西階上酬士又云士旅于西階上辯注祝史小臣旅食皆及焉蓋前主人獻士時祝史小臣師及旅食者皆與故注云然也特牲饋食禮祭畢飲酒賓旅西階一觶長兄弟旅阼階一觶並衆賓及衆兄弟交錯以辯

禮記卷之四  
特牲記又云主婦及內賓宗婦亦旅前主人獻酒至  
衆賓衆兄弟內賓而止故旅酬亦不及衆賓衆兄弟  
內賓以下也有司徹旅酬尸主人侑相酬畢至于衆  
賓遂及兄弟皆飲于上注上西遂及私人拜受者升  
受下飲卒爵升酌以之其位相酬辯前主人獻酒辯  
及私人故旅酬亦辯及私人也皆不及獻酒者不與  
旅酬與鄉飲酒記合也亦有獻而不與旅酬者如鄉  
飲酒鄉射燕禮大射獻工獻笙大射不鄉射大射獻  
獲者獻釋獲者是也獻工獻笙爲樂而獻獻獲者獻  
釋獲者爲射而獻非正獻之禮故不與旅酬也燕禮

大射獻庶子獻左右正內小臣亦不與旅酬者獻庶  
子獻左右正內小臣在爲士旅酬之後也  
凡旅酬皆拜不祭立飲

廷堪案鄉飲酒旅酬賓酬主人坐奠觶遂拜執觶與  
主人答拜不祭立飲主人酬介介酬衆賓及衆賓相  
酬皆如賓酬主人之禮鄉射旅酬賓酬主人主人酬  
大夫大夫酬衆賓及衆賓相酬亦同燕禮公舉駿爵  
爲賓旅酬賓降西階下再拜稽首公命小臣大射作  
辭賓升成拜公坐奠觶答再拜又云賓以旅酬于西  
階上賓大夫之右坐奠觶拜執觶與大夫答拜又云

禮記卷四 十一  
大夫辯受酬如受賓酬之禮不祭爲卿旅酬爲大夫  
旅酬爲士旅酬皆如之大射旅酬亦同特牲饋食禮  
祭畢飲酒賓酬長兄弟賓奠觶拜長兄弟答拜賓立  
卒觶經不云祭是亦不祭也又云長兄弟酬賓如賓  
酬兄弟之儀有司徹旅酬尸北面于阼階上酬主人  
坐奠爵拜主人答拜不祭立飲又云主人以酬侑于  
西楹西坐奠爵拜侑答拜不祭立飲又云乃升長賓  
侑酬之如主人之禮至于衆賓遂及兄弟亦如之是  
旅酬皆拜不祭立飲也至於燕禮大射公爲賓旅酬  
賓坐祭立飲者臣與君行禮且膳酒也故雖旅酬亦

祭若大夫辯受酬者則不祭

凡旅酬不洗不拜既爵

廷堪案鄉飲酒旅酬賓酬主人不拜卒觶不洗實觶  
東南面授主人主人酬介介酬衆賓及衆賓相酬皆  
如賓酬主人之禮鄉射旅酬賓酬主人卒觶不拜不  
洗實之進東南面主人阼階上北面拜賓少退主人  
進受觶賓主人之西北面拜送賓揖就席主人以觶  
適西階上酬大夫大夫降席立于主人之西如賓酬  
主人之禮主人揖就席若無大夫則長受酬亦如之  
燕禮大射公爲賓旅酬賓以旅大夫于西階上立卒

解不拜若膳解也則降更解洗非膳解則不洗可知  
 為卿旅酬為大夫旅酬為士旅酬皆如之有司徹旅  
 酬尸酬主人主人酬侑皆云卒爵不拜既爵不云洗  
 特牲饋食禮旅酬賓酬長兄弟經云賓立卒解不云  
 拜既爵亦不云洗則皆不洗不拜既爵可知也若燕  
 禮大射公取大夫所勝爵以酬賓公卒解賓下拜小  
 臣正燕禮作小臣辭賓升再拜稽首公坐奠解答拜此卒  
 解亦拜者臣與君行禮故于卒解時先拜然後公乃  
 答拜也又云易解與洗此酬賓之解是膳解故易之  
 不敢襲君之爵也既易之則必洗所以示新也故下

經云公有命則不易不洗矣鄉飲酒記鄉射記皆云  
 凡旅不洗不洗者不祭  
 凡無算爵必先徹俎降階  
 廷堪案鄉飲酒禮二人舉解畢司正升自西階受命  
 于主人主人曰請坐于賓賓辭以俎主人請徹俎賓  
 許司正降階前命弟子俟徹俎司正升立於序端賓  
 降席北面主人降席阼階上北面介降席西階上北  
 面尊者降席席東南面賓取俎還授司正司正以降  
 賓從之主人取俎還授弟子弟子以降自西階主人  
 降自阼階介取俎還授弟子弟子以降介從之若有



諸公大夫則使人受俎如賓禮衆賓皆降鄉射禮二人舉觶畢司正升自西階阼階上受命于主人適西階上北面請坐于賓賓辭以俎反命于主人主人曰請徹俎賓許司正降自西階階前命弟子俟徹俎司正升立於序端賓降席北面主人降席自南方阼階上北面大夫降席席東南面賓取俎還授司正司正以降自西階賓從之降遂立于階西東面司正以俎出授從者主人取俎還授弟子弟子受俎降自西階以東主人降自阼階西面立大夫取俎還授弟子弟子以降自西階遂出授從者大夫從之降立於賓南

衆賓皆降立于大夫之南少退北上此皆徹俎于旅酬之後無算爵之前者也燕禮立司正訖司正升自西階東楹之東請徹俎降公許告于賓賓北面取俎以出膳宰徹公俎降自阼階以東注膳宰降自阼階以賓親徹若君親徹卿大夫皆降東面北上大射儀射畢爲大夫舉旅酬訖司馬正升自西階東楹之東北面告于公請徹俎公許遂適西階上北面告于賓賓北面取俎以出諸公卿取俎如賓禮遂出授從者于門外燕禮卿大夫降復位俎疏云大夫雖無俎以賓公卿皆送庶子正徹公俎降自阼階以東此皆徹俎于爲大夫旅酬之

後獻士之前者也獻士獻庶子禮殺故在徹俎後與無算爵同矣至于特牲饋食禮宗人告祭齊乃羞在旅酬之前有司徹乃羞庶羞于賓兄弟內賓及私人在旅酬之後則祭畢飲酒之禮不同於飲酒之正禮故也

凡無算爵皆說履升坐乃羞

廷堪案鄉飲酒禮將行無算爵主人請坐于賓賓辭以俎注至此盛禮俱成酒清肴乾賓主百拜強有力猶倦焉張而不弛弛而不張非文武之道請坐者將以賓燕也俎者肴之貴者辭之者不敢以禮殺當貴

者疏云自旅以前立行禮是盛自此以後無算爵坐

行禮謂之殺至徹俎畢說履揖讓如初如初如一升

坐注說履者為安燕當坐也必說于下者履賤不空

居堂說履主人先左賓先右今文說為稅疏云凡堂

法立行禮不說履坐則說履又云說履主人先左賓先右者案曲禮云上於東階則先左足上於西階則先右足鄭注云近於相鄉敬也案玉藻著履之法坐左納右坐右納左今說之亦北面鄉階主人先坐左賓先坐右亦取近於相鄉敬之義也乃羞注羞進也所進者狗彘醢也

鄉設骨體所以致敬也今進羞所以盡愛也敬之愛

之所以厚賢也疏云骨體貴人不食故云致敬無算

爵注算數也賓主燕飲爵行無數醉而止也無算樂

禮經釋例 卷四 五

注燕樂亦無數或閒或合盡歡而止也春秋襄二十九年吳公子札來聘請觀于周樂此國君之無算是無算爵皆說屨升坐乃羞也鄉射禮徹俎畢主人以賓揖讓說屨乃升大夫及衆賓皆說屨升坐乃羞與鄉飲酒同燕禮徹俎畢賓反入及卿大夫皆說屨升就席公以賓及卿大夫皆坐乃安羞庶羞大夫祭薦此先獻大夫所薦注燕乃祭薦不敢於盛成禮也司正升受命皆命君曰無不醉賓及卿大夫皆興對曰諾敢不醉皆反坐大射儀徹俎畢賓諸公卿皆入門東面北上司正升賓賓諸公卿大夫皆說屨升就席公以賓及卿大夫皆坐

乃安羞庶羞大夫祭薦司正升受命皆命公曰衆無不醉賓及諸公卿大夫皆興對曰諾敢不醉皆反位坐是燕禮大射無算爵說屨升坐乃羞亦與鄉飲酒鄉射同唯鄉飲酒鄉射升坐後卽行無算爵燕禮大射升坐後先獻士始行無算爵爲異耳又鄉射疏云尊卑在室則尊者說屨在戶內其餘說屨於戶外若尊卑在堂則亦尊者一人說屨在堂其餘說屨於堂下是以燕禮大射臣皆說屨於階下公不見說屨之文明公鳥在堂矣亦與鄉飲酒鄉射異也至於特牲饋食禮無算爵本于階下行之故無說屨升坐之文

禮記卷之四  
祭畢飲酒禮殺故也不云乃羞者前旅酬時已羞也  
有司徹饋尸之禮無算爵雖行於堂上然亦祭畢飲  
酒故不云說履升坐但於是時羞庶羞而已其於特  
牲無算爵雖有堂上堂下之分而其為禮殺則一也  
不饋尸之禮羞庶羞在賓自酢後亦與特牲異也  
凡無算爵不拜唯受爵於君者拜

廷堪案鄉飲酒鄉射旅酬以前燕禮大射為大夫舉  
旅行酬以前皆是立行禮禮盛故拜至無算爵時則  
坐行禮禮殺故不拜考鄉射禮無算爵使二人舉觶  
賓與大夫不與取奠觶飲卒觶不拜即前二人所舉之觶注二人謂

鄉者二人也使之升立於西階上賓與大夫將旅當執觶也卒觶者固不拜矣著之者嫌坐卒爵者拜既  
當此坐于席禮既殺不復崇執觶者受觶遂實之賓觶以之主人

大夫之觶長受而錯皆不拜辯卒受者與以旅在下  
者于西階上長受酬酬者不拜乃飲卒觶以實之受  
酬者不拜受辯旅皆不拜執觶者皆與旅卒受者以  
虛觶降奠于篚執觶者洗升實觶反奠于賓與大夫  
注復奠之者燕以飲酒為歡醉乃止主人之意也無算樂是無算爵皆不拜  
也以鄉射推之則鄉飲酒無算爵是賓與介取奠觶  
餘當與鄉射儀同經不云者文不具也燕禮大射無  
算爵卒受爵者與以酬士于西階上士升大夫不拜

乃飲實爵士不拜受爵大夫就席士旅酌亦如之又  
 云士終旅於上如初無算樂是燕禮大射無算爵亦  
 不拜也特牲饋食禮賓弟子及兄弟弟子各舉觶於  
 其長長皆奠觶於其所皆揖其弟子弟子皆復其位  
 爵皆無算注賓取觶酬兄弟之黨長兄弟取觶酬賓  
 之黨唯已所欲亦交錯以辯無次第之數有司徹賓  
 尸之禮賓及兄弟交錯其酬皆遂及私人爵無算不  
 賓尸之禮賓兄弟交錯其酬無算爵經雖不云不拜  
 準以飲酒正禮則皆不拜可知也唯受爵於君者始  
 拜燕禮大射無算爵士也有執膳爵者有執散爵者

執膳爵者酌以進公公不拜受是酌膳進公公不拜  
 也又云執散爵者酌以之公命所賜所賜者與受爵  
 降席下奠爵再拜稽首不降階拜者禮殺也公答拜受賜爵者  
 以爵就席坐公卒爵然後飲執膳爵者受公爵酌反  
 奠之受賜爵者大射無爵字興授執散爵者燕禮無爵字執散  
 爵者乃酌行之唯受爵大射無爵字於公者拜然亦降席  
 拜而不降階拜則已殺於旅酬之禮矣鄉射無算爵  
 受酬者不拜受注禮殺雖受尊者之酬猶不拜而燕  
 禮大射受君之酬則拜者君尊異於常人也又燕禮  
 大射公有命徹筯則賓及諸公燕禮無賓及諸公四字卿大夫

皆降西階下北面東上再拜稽首公命小臣

大射作小臣正

辭公答再拜

大射無再字

大夫皆辟遂升反坐

大射作反位此

則命徹幕之拜而非無算爵之拜此拜亦降階拜公

雖命小臣辭而不升成拜示禮有終也

注升不成拜於將醉正臣

禮

凡無算爵堂上堂下執事者皆與

廷堪案鄉射禮無算爵卒受者興以旅在下者于西

階上注衆賓之末飲而酬主人之贊者大夫之末飲

而酬賓黨亦錯焉不使執觶者酌以其將旅酬此旅

指無算爵不以已尊於人也其末若皆衆賓則先酬主人

之贊者若皆大夫則先酬賓黨而已執觶者酌在上

辯降復位又云執觶者皆與旅注嫌已飲不復飲也

上使之勸人耳非逮下之惠也亦自以齒與於旅也

主人之贊者即鄉飲酒記所謂主人之贊者西面北

上不與無算爵然後與是也注云贊佐也謂主人之

屬佐助主人禮事徹甯沃盥設薦俎者蓋據鄉飲酒

義終於沃洗者言之也以此推之則燕禮大射執膳

爵者執散爵者亦皆與於無算爵也特牲饋食記宗

人獻與旅齒於衆賓佐食於旅齒於兄弟有司徹遂

及私人爵無算是祭畢飲酒堂上堂下執事者皆得

與於無算爵與飲酒之正禮同也中庸云旅酬下為上所以逮賤也鄭注謂逮賤者宗廟之中以有事為榮亦謂宗廟之中堂上堂下雖執事之賤者亦得以與於無算爵為榮也

凡奠爵將舉者於右不舉者於左

廷堪案鄉飲酒記鄉射記皆云凡奠者於左注不飲者不欲其妨又云將舉者於右注便其舉也注謂不飲即不舉也鄉飲酒鄉射主人獻賓賓祭脯醢畢奠爵於薦西賓席南面薦西即薦右也此因祭俎而奠爵故奠于薦右為將卒爵也主人酬賓坐奠觶於薦

西凡獻酢之爵皆授受酬酒之觶則奠之奠於薦右

欲賓舉也又云賓北面坐奠觶於薦東即薦左示不舉

也注酬酒不舉君子不盡人之歡不竭人之忠以全交也一人舉觶於賓為旅

酬始進坐奠觶於薦西賓辭坐受以興舉觶者西階

上拜送賓坐奠觶於其所注所薦西也賓仍奠觶于

薦西者疏云待作樂後立司正賓乃取此觶以酬主

人以其將舉故且奠之於右也二人舉觶於賓介為

無算爵始鄉射無介則二人舉觶於賓與大夫大夫即遵者禮記鄉飲酒義作饌鄉射又云若

無大夫則唯賓蓋亦一人舉觶也皆進薦西奠之賓辭坐取觶以興

介則薦南奠之介坐受以興退皆拜送降賓介奠於

其所介席西階上東面以南爲右故云薦南奠之若  
鄉射之大夫席於賓東南面則皆以薦西爲薦右也  
賓介仍奠於薦右者亦示將舉也燕禮大射主人獻  
賓賓將祭俎亦先奠之於薦右爲將卒爵也主人酬  
賓賓奠於薦東酬酒不舉也皆與鄉飲酒鄉射同是  
皆將舉者奠於右不舉者奠於左也亦有將舉奠於  
左者燕禮主人酬賓後二大夫媵爵於公爲賓舉旅  
發端主人獻卿之後二大夫又媵爵於公爲卿舉旅  
發端爲大夫舉旅亦舉此媵爵主人獻士之後賓媵觚於公爲士  
舉旅發端皆云奠於薦南公席阼階上西鄉則薦南

爲薦左此媵爵將舉而奠於薦左者注云不敢必君  
舉也特牲饋食禮祭畢主人獻賓酌酢之後主人酬  
賓奠觶於薦北賓位西階前東面則薦北爲左薦南  
爲右此一觶嗣舉奠之後賓取以酬長兄弟爲旅酬  
之始是將舉之觶而奠於薦左者注云行神惠不可  
同於飲酒也賓取此觶奠於薦南者卽薦右旣以示將  
舉亦質文相變之義也此舉西階一觶也爲旅酬發  
端下文兄弟弟子洗酌於東方之尊阼階前北面舉  
觶于長兄弟如主人酬賓儀此舉阼階一觶也亦爲  
旅酬發端長兄弟位阼階前西面則以薦南爲左薦



禮記卷四  
北為右矣至於賓弟子兄弟弟子各舉觶於其長為  
無算爵發端則舉觶者皆奠觶于薦右注於薦右非  
神惠也竊謂旅酬之觶主人奠於薦左者當亦如燕  
禮二大夫媵爵於公奠於薦左之意不敢必賓舉也  
賓取觶奠於薦右者示將舉也旅酬重於無算爵故  
其儀繁無算爵輕於旅酬故舉觶者徑奠於薦右其  
儀簡也觀下文長皆奠觶於其所可見蓋皆以相變  
為禮注以行神惠非神惠解之似與禮例不合疏所  
惡均於室中神惠均於在庭牽有司徹主人酬尸尸  
人三獻正爵則更無確見矣北面坐奠爵于薦左此不舉者奠於左儼尸如飲酒

之例也主人酬長賓於堂下賓西面坐奠爵于薦左  
此觶至旅酬後與兄弟之長交酬為無算爵發端是  
將舉之觶而奠於薦左者相變也又二人舉觶於尸  
侑為旅酬發端侑奠觶於右蓋雖舉尸侑二觶實止  
用尸一觶酬於下故侑此觶雖不舉亦奠於右示猶  
舉也注以為神惠右不舉恐非唯有司徹主人受尸  
酢將祭俎先奠之於薦左注神惠變於常是也主人  
受尸酢將舉者奠於左則主人獻尸將舉者亦奠於  
左矣

又案禮不卒爵故皆奠於薦左士冠禮賓醴冠者冠

者奠解于薦東注薦東薦左凡奠爵將舉者於右不舉者於左醴子之席筵於戶西南面故注以薦東為薦左也士昏禮女父醴使者賓者即筵坐奠于薦左注薦左籩豆之東薦即籩豆也賓席亦南面故注以薦左為籩豆之東也舅姑醴婦奠于薦東婦席戶牖間南面也聘禮主君禮聘賓賓北面奠于薦東注糟醴不啐考禮之通例士冠士昏皆啐醴此經上文亦云坐啐禮注云不啐蓋傳寫之誤當作糟醴不卒爵則與奠于薦東經文相應也又士冠禮醴用酒冠者奠爵于薦東此禮雖用酒不用醴亦但啐酒而已

不卒爵與醴同異於飲酒正禮故亦奠于薦左也

凡君之酒曰膳臣之酒曰散

廷堪案膳謂瓦大之酒公之酒也散謂方壺之酒臣

之酒也瓦大大射有之故無算爵時士也射作無惟燕禮大射有之故無算爵時士也

有執膳爵者有執散爵者執膳爵者酌以進公公不

拜受執膳爵者酌以之公命所賜蓋禮盛者酌膳酒

明君臣共之也禮殺者酌散酒示臣不敢並君也考

燕禮大射主人獻賓升酌膳者尊賓也賓酢主人亦

升酌膳者宰夫代君為主人也主人獻卿升酌散者

辟賓也獻卿既酌散則獻大夫獻士獻庶子獻工獻

笙大射不之屬皆酌散可知經不云酌散者文不具  
 也主人獻公盥洗象觚升實之東北面獻于公經既  
 云象觚則所酌者亦膳酒也主人酬賓先酌散者自  
 飲也自飲畢復酌膳酬賓者代君行禮也二人媵爵  
 于公先酌散者亦自飲也自飲畢復洗象觶升實之  
 者唯公所賜也公為賓舉旅卒爵後以虛爵授賓賓  
 仍酌膳者承君賜也賓卒觶後實散酬大夫者非君  
 賜不敢酌君之酒也賓媵觚于公先酌散自飲畢復  
 洗象觶酌膳者此觶為士舉旅行酬之始故其禮與  
 前二人媵爵同也立司正酌散者司正卑故禮殺也

燕禮主人自酢于公酌膳者燕禮主於飲酒故酌君  
 之酒也大射主人自酢于公酌散者大射主於射故  
 不敢飲君之酒也大射飲不勝者勝者之弟子洗  
 觶升酌散者亦禮殺也若賓諸公卿大夫不勝則僕  
 人師洗升實觶經不云酌散則亦酌散可知也若飲  
 公則侍射者先酌散自飲訖復酌膳俟公卒爵後侍  
 射者又酌散自飲謂之夾爵蓋侍射者賓也公不勝  
 則賓如媵觶之禮復多飲一夾爵也獻服不及釋獲  
 者皆兩壺獻酒注獻讀為沙士旅食者則兩圖壺亦散酒  
 之屬也燕禮記若與四方之賓燕無膳尊無膳爵異

國之臣不同於己之臣故降尊以就卑也

凡食禮初食三飯卒食九飯

廷堪案公食大夫禮為賓設正饌贊者負東房南面告具于公則賓祭正饌為賓設加饌贊者負東房告備于公則賓祭加饌祭畢賓北面自間坐左擁篲梁右執淸以降公辭賓西面坐奠于階西東面對西面坐取之栗階升北面反奠于其所降辭公公許賓升公揖退于箱公辭者辭賓降也賓辭者辭公之親臨己食也又云賓坐遂卷加席公不辭賓三飯以淸醬宰夫執觶漿飲與其豐以進又云賓坐祭遂飲奠于豐上三飯則一飲注謂

三飯而止君子食不求飽是初食三飯也又賓受侑幣出復入門左揖讓升賓降辭公如初賓升公揖退于箱賓卒食會飯三飲不以醬淸吳氏廷華曰上三飯乃飲此三飲則九飯也合正食則十二飯矣是卒食九飯也初食在侑幣前故三飯卒食在侑幣後故九飯禮器曰是故七介以相見也不然則已慙三辭三讓而至不然則已慙即此意矣又案前設正饌告具于公後設加饌告備于公敖氏繼公曰此言備者備周于具竊謂備即是具似不必分別若謂備周于具不應加饌反周于正饌也

禮記卷之四  
凡設饌以豆爲本

廷堪案聘禮設殮堂上之饌八西夾六注八六者豆數也凡饌以豆爲本堂上八豆八簋六鉶兩簋八壺西夾六豆六簋四鉶兩簋六壺其實與其陳亦如饗餼疏云凡設饌皆先設豆乃設餘饌故鄭云凡饌以豆爲本考士昏禮贊者設醬於席前此爲壻設饌也設醬畢乃薦菹醢二豆設豆畢乃設俎設俎畢乃設黍稷二敦至末始設清又云設對醬於東此爲婦設饌也設醬畢乃薦豆設敦與壻饌同三俎及清則夫婦共之公食大夫禮設正饌宰夫自東房授醢醬公

設之注以其爲饌本設醬畢乃薦豆薦豆畢乃設俎設俎畢乃設簋設簋畢乃設清設清畢乃設鉶士虞禮陰厭贊薦豆畢乃設俎設俎畢乃設敦設敦畢乃設鉶特牲饋食禮陰厭同少牢饋食禮陰厭薦豆畢設俎設敦次序亦同唯兩鉶至尸入飯時始設之爲小異也是設饌之時有醢醬之豆則先設醢醬之豆無醢醬之豆則先設菹醢之豆也聘禮歸饗餼堂上之饌先設豆次設簋次設鉶次設簋次設壺兩夾之饌亦然蓋歸饗餼之禮雖變於親食賓之禮而其以豆爲本之例則未嘗變也

凡正饌先設用黍稷俎豆加饌後設用稻粱庶羞

廷堪案公食大夫禮正饌公設醯醬宰夫薦豆六設于醬西士設俎於豆南宰夫設黍稷六簋於俎西大羹清公設之於醬西宰夫設鉶四於豆西飲酒實於解設於豆東士虞禮設饌陰厭贊薦菹醢俎入設於豆東贊設二敦於俎南設一鉶于豆南特牲饋食禮設饌陰厭主婦薦兩豆俎入設于豆東主婦設兩敦黍稷于俎南兩鉶芼設于豆南祝酌奠設于鉶南少牢饋食禮設饌陰厭主婦薦豆佐食設俎主婦設黍稷祝酌奠皆正饌先設用俎豆也公食大夫禮加饌

賔祭正饌畢公始設飯梁宰夫膳稻於梁西士羞庶羞設於稻南士虞禮尸入九飯時黍羹清自門入設於鉶南敵四豆設於左特牲尸入九飯時設大羹清於醢北佐食羞庶羞四豆設於左南上有醢注庶衆也衆羞以豕肉所以爲異味四豆者饒炙敵醢少牢尸入十一飯時上佐食羞兩鉶又羞敵兩瓦豆有醢亦用瓦豆設于薦豆之北注設於薦豆之北以其加也皆加饌後設用庶羞也公食大夫大羹清在正饌士虞特牲大羹清在加饌公食大夫加饌有稻粱士虞特牲少牢加饌無稻粱賓客之禮與祭祀之禮相

變也公食大夫士虞特牲鉶羹皆在正饌少牢鉶羹  
在加饌者少牢無大羹故以鉶羹易之也聘禮歸饗  
籩腳臠臠蓋陪牛羊豕注陪鼎三牲臠腳臠臠陪之  
庶羞加也堂上及兩夾之饌設鉶畢始設籩注籩不  
次籩者稻粱加也是加饌有稻粱與公食同也士昏  
無加饌者尚質也

凡初食加饌之稻粱則用正饌之俎豆卒食正饌之黍  
稷則用加饌之庶羞

廷堪案公食大夫禮賓初食佐擁籩粱右執淸以降  
此籩粱卽前設加饌時公所親設之飯粱也此淸卽  
前設正饌時公所親設之太羹淸也又云賓三飯以  
淸醬注每飯歡淸以穀搗醬食正饌也此醬亦前設  
正饌時公所親設之醯醬也加饌之籩粱正饌之淸  
與醯醬皆公所親設故先食之言粱則兼稻言淸醬  
則兼俎豆經不言者非公親設故也注不言其餽優  
賓疏云任賓取之是優賓也餽卽牲體之屬矣此食  
加飯也又賓卒食會飯三飲注卒已也會飯謂黍稷  
此食黍稷則初時食稻粱又云不以醬淸注不復用  
正饌也初時食加飯用正饌此食正飯用庶羞互相  
成也後言淸或時後用此食正飯也考注云加飯卽

稻梁也正饌卽俎豆也正飯卽黍稷也賓初食用加飯之稻梁佐以正饌之俎豆卒食用正飯之黍稷佐以加饌之庶羞故云互相成也

凡正饌醯醬大羹清加饌簠梁皆公親設

廷堪案公食大夫禮設正饌宰夫自東房授醯醬公設之注醯醬以醯和醬也又大羹清不和實於鐙宰右執鐙左執蓋由門入升自阼階盡階不升堂授公以蓋降出入反位公設之於醬西是正饌之醯醬大羹清皆公親設也又設加饌宰夫授公飯梁公設之于清西注既告具矣而又設此殷勤之加也是加饌

之簠梁亦公親設也敖氏繼公曰公設之示親饋也故賓初食時用正饌之清醬及加饌之簠梁卒食後撝手與北面坐取梁與醬以降西面坐奠於階西皆因公親設之故也清西者卽前公所設正饌之大羹清也正饌以大羹清爲上加饌以簠梁爲上正饌在中席已東太羹清在正饌之西加饌在中席已西飯梁在加饌之東故云於清西也兩饌之間容人下經云賓北面自間坐注由兩饌之間也兩饌卽所謂正饌加饌也

凡公親設之饌必坐遷之公親臨食必辭之



禮記卷四  
名四  
廷堪案公食大夫禮設正饌宰夫自東房授醯醬公設之賓辭北面坐遷而東遷所注東遷所奠之東側其故處也疏云東遷所者謂以西爲上君設當席中故東遷之辟君設處側近也近其故處敖氏繼公曰遷之者示不敢當公親設之意且以爲禮也又大羹清公設之於醬西賓辭坐遷之注亦東遷所疏云言亦者亦前醬東遷所以醬既東遷所今於醬西遷之明亦東遷所移之故醬處也又設加饌宰夫授公飯梁公設之於清西賓北面辭坐遷之注既告具矣而又設此殷勤之加也遷之遷而西之以其東上也是

公親設之饌必坐遷之也正饌東遷加饌西遷則中間可以容人矣又賓初食降辭公公許賓升公揖退于箱注辭公故也必辭公者爲其尊而親臨已食待食贊者之事又賓卒食降辭公如初賓升公揖退于箱是公親臨食必辭之也皆尊不敢當之意

凡食禮有豆無籩飲酒之禮豆籩皆有  
廷堪案公食大夫禮正饌宰夫自東房授醯醬公設之宰夫自東房薦豆六設于醬東士設俎于豆南宰夫設黍稷六簋于俎西大羹清公設之于醬西宰夫設鉶四于豆西加饌宰夫授公飯梁公設之于清西

宰夫膳稻于梁西士羞庶羞庶羞十六豆上大夫則二十豆經皆無

薦籩之文是食禮有豆無籩也士昏禮婦至設饌贊

者設醬于席前菹醢在其北俎入設于豆東贊設黍

于醬東稷在其東設滂于醬南設對醬于東此設婦饌也

菹醢在其南設黍于腊北其西稷設滂于醬北此即如食

禮正士虞禮陰厭贊薦菹醢俎入設于豆東贊設二

敦于俎南此如食禮正饌又尸入飯前黍羹滂自門入設于

鉶南載四豆設于左此如食禮加饌特牲饋食禮陰厭主婦

薦兩豆俎入設于豆東主婦設兩敦黍稷于俎南及

兩鉶芼設于豆南此如食禮正饌又尸入飯前設大羹滂于

醢北三飯後佐食羞庶羞四豆設于左有醢此如食禮加饌

少牢饋食禮陰厭主婦薦自東房四豆菹醢各二司士設俎

在豆東主婦設四敦于俎南二黍稷此如食禮正饌又尸入飯

前上佐食羞兩鉶尸三飯後上佐食羞載兩瓦豆有

醢亦用瓦豆共四豆設于薦豆之北此加饌有鉶無大羹前陰厭無鉶與

士禮昏禮設饌祭禮尸飯皆用黍稷蓋食禮之屬故

亦有豆無籩也鄉飲酒禮主人獻賓賓酢主人主人

獻介皆薦脯醢設折俎脯籩實醢豆實主人獻眾賓獻工獻

笙皆辯有脯醢鄉射禮同唯無介遵入薦燕禮主人

獻賓獻公皆薦脯醢設折俎賓酢主人未薦至獻主大夫後乃薦于洗北

人獻卿薦脯醢主人辯獻大夫遂薦之薦脯醢也獻工獻

笙辯有脯醢主人獻士既獻乃薦士有事者則先薦祝史小

臣師亦就其位而薦之大射同唯獻卿有俎及不獻笙為異是飲

酒之禮豆籩皆有也士冠禮醮用脯醢士虞禮主人

獻祝薦菹醢主婦獻祝籩燔從又主婦亞獻自反兩

籩棗栗設于會南豆已設于陰厭時特牲饋食禮主人獻祝

設菹醢主婦獻祝籩燔從獻佐食不薦但有俎禮殺又主婦亞獻

設兩籩豆已設于陰厭時又主人獻賓薦脯醢設折俎眾賓

薦俎設于其位少牢主婦亞獻不薦籩者至俎尸時始薦也又主人獻祝薦兩豆菹醢不用脯

禮略有司徹主人獻尸主婦薦四豆四籩主人獻俎

主婦薦二豆二籩主人受尸酢主婦薦二豆二籩主

婦受尸酢婦贊者薦二豆二籩土婦獻尸獻俎致爵于主人皆用羞籩

主人獻長賓宰夫薦脯醢設俎辯獻眾賓獻兄弟獻

內賓獻私人皆有薦齊不俎尸之禮主婦二獻薦四

籩主婦致爵于主人主人致爵于主婦皆薦二豆二

籩冠禮之醮祭禮之獻酢皆用酒蓋飲酒之屬故亦

豆籩皆有也至于士冠禮賓醮冠者士昏禮女父醮

賓贊醮婦聘禮主國之君禮聘賓皆薦脯醢者醴亦

酒之類也

凡食賓以幣曰侑幣飲賓以幣曰酬幣

禮記卷之四  
三  
廷堪案聘禮大夫於賓壹饗壹食若不親饗則公作  
大夫致之以酬幣致食以侑幣但言饗食不言燕燕  
輕無酬幣也公食大夫禮賓三飯後公受宰夫束帛  
以侑西鄉立賓降筵北面擯者進相幣賓降辭幣升  
聽命降拜公辭賓升再拜稽首受幣當東楹北面退  
西楹西東面立公壹拜賓降也公再拜介逆出賓北  
面揖執庭實以出公降立上介受賓幣從者訝受皮  
然後賓復入門左升堂卒食此侑幣也蓋食禮盛於  
燕禮故有束帛有庭實也士冠禮冠畢乃醴賓以壹  
獻之禮主人酬賓束帛儷皮注飲賓客而從之以財

貨曰酬所以申暢厚意也束帛十端也儷皮兩鹿皮  
也此酬幣也醴賓而有束帛庭實儷皮即庭實者亦較飲  
酒之禮為盛也士昏禮舅饗送者以一獻之禮酬以  
束錦注爵至酬賓又從之以束錦又姑饗婦人送者  
酬以束錦此饗禮但云束錦不云庭實者蓋昏禮之  
饗殺于諸侯大夫故也聘禮致饗以酬幣注云禮幣  
束帛乘馬是饗禮有庭實也敖氏繼公曰酬幣侑幣  
皆束錦亦有庭實  
又案陳氏祥道曰食有侑食故有侑幣饗有酬爵故  
有酬幣聘禮公於賓若不親食使大夫致之以侑幣

致饗以酬幣亦如之大夫於賓若不親饗則公作大夫致之以酬幣致食以侑幣春秋之時秦后子享晉侯歸取酬幣終事八反魯侯享范獻子莊叔執幣是饗有酬幣也禮器琥璜爵鄭氏以爲天子酬諸侯諸侯相酬之禮又王饗虢公晉侯皆玉五穀馬三匹是天子饗諸侯諸侯相饗酬幣用玉也諸侯食大夫大夫相食以皮帛束錦則侑幣固有差矣酬幣亦謂之侑侑幣不謂之酬故春秋傳享醴皆曰宥以侑者勸酬之通名也陳氏此說蓋旁通傳記推而言之其實饗禮篇亡禮經可考者唯士昏及聘禮數語而已左

傳莊十八年春虢公晉侯朝王王饗醴命之宥皆賜玉五穀馬三匹饗謂饗禮醴謂醴賓馬者蓋謂饗及醴賓之庭實故聘禮禮賓亦云賓執左馬以出也杜預注以爲行饗禮先置醴酒恐誤士昏禮婦見舅姑贊醴婦饋舅姑舅姑饗婦亦分醴饗爲兩事凡燕禮使宰夫爲主人食禮公自爲主人

廷堪案燕禮主人亦升自西階注主人宰夫也宰夫大宰之屬掌賓客之獻飲食者也君於其臣雖爲賓不親獻以其尊莫敢伉禮也天子膳夫爲獻主疏云按禮記燕義云宰夫爲獻主是也大射之先行燕禮

亦然是燕禮使宰夫爲主人也公食大夫禮公如賓服迎賓于大門內入門升階拜至設饌皆公與賓行禮是食禮公自爲主人也公設正饌之醢醬加饌之飯梁皆宰夫授之以下皆宰夫與士設之則食重於燕可知又聘禮記燕則宰夫獻注爲主人代公獻然則燕異國之臣亦宰夫爲主人也蓋君與臣行禮不敵故使宰夫獻若兩君相燕亦自爲主人如昭公十二年左氏傳晉侯以齊侯宴是也至於二十七年傳公如齊飲酒使宰獻而請安杜氏曰比公於大夫也然則昭公失國齊侯不以兩君之禮待之矣

又案食重於燕不獨公自爲主人及宰夫爲主人之別也食禮有幣燕禮無幣食行於廟燕行於寢食牲用太牢燕牲用狗食使大夫戒賓燕於庭命賓皆其例矣萬氏斯大乃謂食禮視燕饗爲輕則誤甚饗禮篇亡不可考其禮盛則又重於食焉

又案燕禮記與卿燕則大夫爲賓與大夫燕亦大夫爲賓注不以所與燕者爲賓者燕爲序歡心賓主敬也公父文伯飲南宮敬叔酒以路堵父爲客

見魯語此

之謂也君但以大夫爲賓者大夫卑雖尊之猶遠于君疏云此謂與已臣子燕法也又聘禮記燕則上介

禮經釋例卷四終  
為賓注介大夫也雖為賓猶卑於君君則不與亢禮也主人所以致敬者自敵以上疏云謂兩君相見兩大夫兩士以上則主人親獻也蓋君燕臣必別立賓別立主人若敵者雖大夫士亦自為主人也

禮經釋例卷四終

禮經釋例卷五目錄

飲食之例下

凡醴皆設柶用籩豆

凡醴皆用解不卒爵

凡祭醴始扱一祭又扱再祭謂之祭醴三

凡酌而無酬酢曰醮

凡執爵皆左手祭薦皆右手

凡祭薦者坐祭俎者興祭薦者執爵祭俎者奠爵

凡祭薦不挽手祭俎則挽手

凡祭酒禮盛者啐酒不盛者不啐酒祭肺禮盛者啐肺

不盛者不啻肺

凡祭皆于豆籩之間或上豆之間

凡餽者亦祭

凡飲酒君臣不相襲爵男女不相襲爵

凡脯醢謂之薦出自東房

凡牲皆用右胖唯變禮反吉用左胖

凡牲二十一體謂之體解

凡牲七體謂之脈解

凡肺皆有二一舉肺一祭肺

凡牲殺曰饗生曰餼饗之屬皆陳于堂上下餼之屬皆

陳于門內外

凡食于廟燕于寢鄉飲酒于庠

共十八例

附周官九祭解一篇

儀禮釋牲上下二篇

禮經釋例卷五目錄

禮經釋例

卷五目錄

二



凡禮皆設柶用籩豆  
廷堪案士冠禮賓醴冠者贊者洗于房中側酌醴加  
柶覆之面葉注葉柶大端又賓授醴于戶東加柶面枋冠  
者筵西拜受解士昏禮女父醴使者贊者酌醴加角  
柶面葉出于房主人受醴主人女父也面枋筵前西北面  
賓拜受醴賓使者也此皆酌者面葉以授醴者所以然者  
醴者尊不自酌必由酌醴者授之凡訝受皆對面相

禮經釋例卷五

欵凌廷堪次仲學

飲食之例下

凡禮皆設柶用籩豆

廷堪案士冠禮賓醴冠者贊者洗于房中側酌醴加  
柶覆之面葉注葉柶大端又賓授醴于戶東加柶面枋冠  
者筵西拜受解士昏禮女父醴使者贊者酌醴加角  
柶面葉出于房主人受醴主人女父也面枋筵前西北面  
賓拜受醴賓使者也此皆酌者面葉以授醴者所以然者  
醴者尊不自酌必由酌醴者授之凡訝受皆對面相

授受酌醴者面葉以授醴者則醴者始得面枋以授受醴者受醴者受之乃得前其葉以扱醴而祭也士昏禮舅姑醴婦贊者酌醴加柶面枋出房席前北面婦東面拜受此則酌者面枋徑授受醴者所以然者舅姑益尊不自酌併不自授徑由酌者授之故面枋以便受醴面葉而祭也亦有酌者由醴者轉授而面枋者聘禮主國之君禮聘賓宰夫實解以醴加柶于觶面枋公側受醴賓不降壹拜進筵前受醴注不面擻也葉不訝受也疏云公西面向賓宰夫自東箱來禮尊皆在房中唯聘禮在東箱在公傍側竝授與公故不面擻也凡

竝受皆竝面相授受宰夫與公皆西面故面枋授公公亦面枋授聘賓此授聘賓是訝受而聘賓受醴亦得面葉而祭也醴有糟與酒不同故用柶也士冠禮賓醴冠者薦脯醢士昏禮女父醴使者贊者薦脯醢又贊醴婦薦脯醢聘禮禮賓宰夫薦籩豆脯醢聘禮記禮不拜至薦脯五職祭半職橫之是醴皆設柶用籩豆也聘禮記言脯不言醢者舉籩以該豆也又案聘禮宰夫實解以醴注君不自酌尊也考士冠禮賓禮冠者士昏禮女父醴使者皆不自酌而用贊者酌之至士昏禮舅姑醴婦則贊者酌之亦贊者授

之是醴不自酌蓋禮經之通例如此非獨聘禮宰夫  
 實醴授公為尊君也又士冠禮乃醴賓注醴賓不用  
 枳泝其醴內則曰飲重醴稻醴清糟黍醴清糟梁醴  
 清糟凡醴事質者用糟文者用清此注蓋據內則言  
 之禮經無醴不用枳之文也又疏云質者謂若冠禮  
 禮子之類故以房戶之間顯處設尊也考醴尊皆設  
 于房中聘禮醴尊則設于東箱皆不于房戶之間疏  
 說非矣

凡醴皆用觶不卒爵

廷堪案士冠禮賓醴冠者筵末坐啐醴捷枳與降筵

坐奠觶拜執觶與賓答拜冠者奠觶于薦東士昏禮

女父醴使者西階上北面坐啐醴建枳與坐奠觶遂

拜主人答拜賓即筵奠于薦左賓南面薦左又舅姑

醴婦降席東面坐啐醴建枳與拜贊答拜婦又拜贊

拜婦兩拜是為俠拜奠于薦東聘禮主君醴聘賓庭實設降筵

北面以枳兼諸觶尚撮撮即葉士冠禮注古文坐啐

醴公用東帛建枳北面奠于薦東是凡醴皆用觶但

啐之而已不卒爵也舅姑醴婦降席東面坐啐醴賓

醴冠者但云筵末坐啐醴不云東面女父醴使者西

階上北面坐啐醴主君禮聘賓但云北面坐啐醴不

禮記釋義 卷五 三  
云西階上皆文不具也士昏聘禮皆云建柶唯士冠作捷柶開成石經亦作建柶蓋後人因釋文而誤改當從石經也醴事質如羹之有大羹清酒之有明水故啐而不卒爵從其質也至於主君禮聘賓有庭實用束帛與冠昏不同者蓋國君之禮又盛矣又案士昏記父醴女而俟迎者注父醴之于房中南面蓋母薦焉重昏禮也女奠爵于薦東立于位而俟壻此數語直可補經識者謂鄭氏注精確處與經並行良不誣也

凡祭醴始扱一祭又扱再祭謂之祭醴三

廷堪案士冠禮賓醴冠者士昏禮女父禮使者又舅姑醴婦聘禮主君禮聘賓皆云以柶祭醴三考士昏記祭醴始扱一祭又扱再祭敖氏繼公曰始扱一祭又扱則再祭示隆殺也一扱而可以再祭則柶葉如勺矣聘禮記祭醴再扱始扱一祭卒再祭注卒謂後扱卽此祭醴三也疏云禮成于三始祭禮之初故云扱一祭及又扱則分爲兩祭故云又扱再祭是爲三祭也凡祭醴之法皆然經但云祭醴三而注無文者以見於士昏記及聘禮記故也

凡酌而無酬酢曰醮

廷堪案士冠禮若不醴則醮用酒注酌而無酬酢曰  
 醮疏云醴太古之初自然質無酬酢酒本有酬酢故  
 無酬酢得名醮也士昏記庶婦則使人醮之注庶婦  
 庶子之婦也使人醮之不饗也酒不酬酢曰醮亦有  
 脯醢考酒事文也有獻有酢有酬如鄉飲鄉射燕禮  
 大射特牲少牢祭畢飲酒之屬皆是也醴事質也無  
 酬無酢如昏禮聘禮禮賓及賓醴冠者贊醴婦之屬  
 皆是也若醮唯冠昏二禮有之雖用酒而於醴事相  
 近經皆不云酬酢故注云酢而無酬酢曰醮也士冠  
 禮有醴有醮故有醴辭又有醮辭禮記冠義云醮於

客位此言用醮者也士昏記父醴女而俟迎者又云

父醮子而命之辭

石經無辭字

昏義云父醮子而命之迎

男先於女也女用醴而男用醮亦質文相變之意也  
 又案士昏記父醮子命之辭曰往迎爾相承我宗事  
 勗帥以敬先妣之嗣若則有常子曰諾唯恐弗堪不  
 敢忘命荀子大略篇親迎之禮父南鄉而立子北面  
 而跪醮而命之往迎爾相成我宗事隆率以敬先妣  
 之嗣若則有常子曰諾惟恐不能敢忘命矣與禮經  
 同足徵荀子之書所述者皆周孔之微言矣  
 凡執爵皆左手祭薦皆右手

廷堪案士冠禮用醴及醮用酒之儀皆冠者即筵坐

即筵醮用酒左執觶右祭脯醢用醴執觶祭薦之儀

與酒同唯有柶無折俎為異耳士昏禮女父禮使者

賓即筵坐左執觶祭脯醢注左執觶則祭以右手也

贊醴婦婦升席左執觶右祭脯醢聘禮主君禮聘賓

賓祭脯醢皆用醴之儀聘禮不云右祭者文不具也

注見昏禮禮使者中鄉射禮燕禮六射儀主人獻賓皆賓坐左

執爵右祭脯醢執爵大射儀鄉飲酒禮主人獻賓賓坐

左執爵祭脯醢注祭脯醢者以右手疏云此經左執

爵明祭用右手是以鄉射亦云右祭脯醢此皆飲酒

之禮也祭脯醢者皆右手取祭脯揆于醢祭之特牲

饋食禮尸入九飯之前祝命授祭尸左執觶右取菹

揆于醢祭于豆間主人初獻尸尸左執角右取肝揆

于鹽振祭齊之加于菹豆尸酢主婦主婦左執爵右

撫祭少牢饋食禮主人獻尸尸左執爵右兼取肝揆

于俎鹽振祭齊之加于菹豆尸酢主人主人左執爵

右受佐食坐祭之右受佐食謂右手有司徹不饋尸

禮主婦致爵于主人主人左執爵右取菹揆于醢祭

于豆間遂祭籩又賓致爵于主婦主婦升筵坐左執

爵右取菹揆于醢祭之祭籩此皆祭時之禮也有司

禮經釋例

徹主人獻尸尸坐左執爵右取韭菹換于三豆祭于  
 豆間尸取麴蕡宰夫贊者取白黑以授尸尸受兼祭  
 于豆間主人獻侑侑坐左執爵右取菹換于醢祭于  
 豆間又取麴蕡同祭于豆祭主婦受尸酢主婦坐左  
 執爵右取菹換于醢祭于豆間又取麴蕡兼祭于豆  
 祭主人獻長賓賓坐左執爵右取脯換于醢祭之此  
 皆祭畢饋尸之禮也儀並與飲酒同至于士虞禮主  
 人獻祝祝左執爵祭薦特牲饋食禮尸醋即酢主人  
 主人坐左執角受祭祭之又主人獻祝祝左執角祭  
 豆又賓三獻主婦致爵于主人主人左執爵祭薦祭

畢主人獻賓賓左執爵祭豆有司徹主人受尸酢左  
 執爵祭豆籩主婦獻尸尸坐左執爵祭糗脩同祭于  
 豆祭以羊釧之相挹羊釧遂以挹豕釧祭于豆祭主  
 婦獻侑侑坐左執爵取糗脩兼祭于豆祭不饋尸禮  
 主婦亞獻尸左執爵取棗糗祝取栗脯以授尸尸兼  
 祭于豆祭其祭亦皆是右手經注不云右者可知也  
 又案特牲饋食禮尸醋主人主人左執角祭酒啐酒  
 尸酢主婦主婦左執爵祭酒啐酒有司徹主人獻尸  
 侑尸侑祭酒皆左執爵執爵既用左手則祭酒亦必  
 用左手矣

凡祭薦者坐祭俎者與祭薦者執爵祭俎者奠爵  
廷堪案鄉飲酒禮主人獻賓賓坐左執爵祭脯醢奠  
爵于薦西與右手取肺卻左手執本坐弗繚右絕末  
以祭尚左手齊之興加于俎注興起也鄉射禮主人  
獻賓賓坐左執爵右祭脯醢奠爵于薦西與取肺坐  
絕祭尚左手齊之興加于俎三禮並同唯鄉飲酒繚  
祭鄉射絕祭爲小異耳祭肺用兩手故必奠爵俎高  
于豆故必興祭用右手執肺本用左手也取肺興祭  
時乃坐祭畢加俎又興也燕禮大射儀主人獻賓皆  
奠爵于薦右與取肺坐絕祭齊之興加于俎主人獻

公皆云公祭如賓禮唯燕禮膳宰贊授肺大射儀庶  
子贊授肺較賓爲隆蓋卽周官大祝九祭之共祭也  
後鄭大祝注 共猶授也 餘皆無俎大射儀主人獻卿乃薦脯醢  
卿升席庶子設折俎卿坐左執爵右祭脯醢奠爵于  
薦右與取肺坐絕祭不齊肺興加于俎燕禮卿無俎  
而大射儀有俎者注謂射禮尊也不齊者自貶于君  
至于獻大夫以下亦皆無俎與燕禮同也公食大夫  
禮三牲之肺不離贊者辯取之壹以授賓賓與受坐  
祭注云賓與受坐祭重牲也士虞禮主人獻祝祝奠  
爵與取肺坐祭齊之興加于俎特牲饋食禮主人獻



祝又云奠角者文不具也又賓三獻主婦致爵于主人主人左執爵祭薦宗人贊祭奠爵興取肺坐絕祭臠之興加于俎主人獻賓但不贊祭餘皆同有司徹主人獻尸司馬羞羊肉清尸坐奠爵興取肺坐絕祭臠之興反加于俎主人受尸酢司馬羞羊肉清主人坐奠爵于左興受肺坐絕祭臠之興反加于清俎此祭畢饋尸之禮尊主人故與尸同也主婦受尸酢奠爵興取肺坐絕祭臠之興加于俎主婦受尸酢與獻侑同唯主婦祭肺奠爵爲異耳又不饋尸之禮主婦致爵于主人及賓致爵于主婦皆左執爵右祭豆籩

後奠爵興取肺坐絕祭臠之興加于俎以上竝祭薦者坐而執爵祭俎者興而奠爵蓋祭薦祭俎之正禮也

又案亦有祭俎不奠爵者大射儀司馬獻服不即鄉射獲者獲者左執爵右祭薦俎注祭俎不奠爵不備禮又司射獻釋獲者釋獲者就其薦坐左執爵右祭脯醢興取肺坐祭注祭俎不奠爵亦賤不備禮鄉射司馬獻獲者司射獻釋獲者皆設折俎有祭亦不奠爵如大射儀也有司徹主人獻尸次賓授七清尸興左執爵右取肺坐祭之主人獻侑侑祭豆籩畢興左執爵

右取肺坐祭之主人受尸酢祭與獻侑同又主婦獻  
 侑主人獻長賓侑賓祭肺皆不奠爵蓋祭畢儻尸殺  
 于飲酒正禮故祭俎不奠爵唯主人獻尸及主人受  
 尸酢至司馬羞羊肉清時祭肺始一奠爵也此皆禮  
 之殺者亦有祭俎不與者士虞禮尸入坐佐食舉肺  
 春三飯佐食舉幹注幹替也又三飯舉骼又三飯舉肩尸  
 皆坐受振祭臍之不興尸坐之後經不云興故知不興也 特牲饋食  
 禮尸入坐舉肺脊亦佐食舉 三飯舉幹又三飯舉骼  
 又三飯舉肩少牢饋食禮尸入坐上佐食舉尸牢肺  
 正脊以授尸張氏爾岐曰吳氏云授尸下有尸受祭肺四字今案唐石本亦無四字唯下文

食舉疏云云舉牢肺正脊也者上文云上佐食舉尸牢肺正脊以授尸尸受祭肺明今食先云食舉是上牢肺正脊也據此文則賈作疏時經三飯舉牢幹又交尚有尸受祭肺四字故吳云然也 三飯舉牢幹又  
 食舉魚又食舉腊肩又食舉牢骼又食告飽祝侑之  
 後尸又食舉牢肩告飽祝侑之後尸又三飯亦皆坐  
 受振祭臍之不興與士虞禮同唯祭畢士虞實于筐  
 特牲少牢加于所俎為異尸祭俎不與者尊尸也此  
 皆禮之隆者再考公食大夫禮及燕禮大射主人獻  
 公亦禮之隆而祭俎亦與者事人之禮不同于事鬼  
 神也至于祭畢儻尸于堂則以人道事尸與在室中  
 者不同故祭俎亦與也

又案祭薦者以右手取祭脯擣于醢而祭于豆間用一手故不奠爵籩豆卑故不與脯乾肉故不挽手鄉飲酒記薦脯五挺橫祭于其上鄉射記薦脯用籩五臠祭半臠橫于上醢以豆出自東房臠長尺二寸注脯用籩籩宜乾物也醢以豆宜濡物也祭橫于上殊之也于人爲縮又鄉飲酒記注引曲禮曰以脯修置者左胸右末疏云臠長尺二寸則祭半臠者長六寸引曲禮者見設之皆橫于人前疏謂橫于人前者指薦脯也注謂于人爲縮者指祭脯也祭脯縮于人前者爲其便于取之擣醢而祭也鄉飲酒主人獻賓

祭薦畢奠爵于薦西疏云爲取肺奠之將舉故奠于右禮記少儀云取俎進俎不坐是以取時奠爵與至加于俎又與也賈氏引少儀者蓋亦據經文祭俎之正禮而言

又案鄉飲酒禮賓祭俎與右手取肺卻左手執本坐弗繚右絕末以祭尚左手注肺離之本端厚大者繚猶紵也大夫以上威儀多紵絕之尚左手者明垂紵之乃絕其末疏云此鄉飲酒大夫禮故云繚祭鄉射士禮云絕祭但云繚必兼絕言絕不得兼繚是以此經云繚兼言絕也言大夫以上則天子諸侯亦繚絕

兼有但禮篇亡無以知也案周禮大祝云辨九祭七  
曰絕祭八曰繚祭註云繚祭以手從肺本循之至于  
未乃絕以祭絕祭不循其本直絕以祭本同禮多者  
繚之禮略者絕則祭之亦據此與鄉射而言也大夫  
以上爲繚祭燕禮大射雖諸侯禮以賓皆大夫爲之  
臣在君前故不爲繚祭皆爲絕祭也繚祭絕祭注疏  
之說甚明經文云弗繚考說文弗橋也其義亦可與  
經注相證張氏爾岐曰弗繚者直絕末以祭不必繚  
也大夫以上威儀多乃繚士則否經文言弗繚以賓  
固士也直以弗繚作不繚解與注疏異矣

凡祭薦不挽手祭俎則挽手

廷堪案祭薦不挽手說見上祭俎則挽手者考鄉飲  
酒鄉射主人獻賓燕禮大射主人獻賓大射主人獻  
卿皆祭肺興加于俎之後坐挽手然後執爵祭酒此  
見之於嘉禮者也特牲饋食禮賓三獻主婦致爵于  
主人及主人獻賓有司徹不饋尸之禮主婦致爵于  
主人及賓致爵于主婦亦皆祭肺興加于俎之後坐  
挽手然後執爵祭酒此見之于吉禮者也蓋祭肺或  
繚祭或絕祭竝禮之盛用兩手故必奠爵挽手也亦  
有祭俎不挽手者大射儀司馬獻服不司射獻釋獲

者皆不奠爵不挽手鄉射司馬獻獲者司射獻釋獲

者亦同不奠爵用一手則禮殺不敢備也士虞禮主

人獻祝祝奠爵祭肺特牲主人獻祝祝執角祭肺皆

不挽手少牢祝俎無肺禮更殺也有司徹主人獻尸主人受尸酢

主婦獻侑主人獻長賓祭俎皆不挽手亦不備禮也

至于士虞特牲尸入九飯舉肺脊幹骼肩舉幹後又舉魚與少牢尸入

十一飯舉肺脊幹骼肩腊肩方士禮為盛尸皆不挽

手者有佐食授之尊尸也燕禮公祭俎膳宰贊授肺

大射公祭俎庶子贊授肺經並云祭如賓禮不云挽

手與否既云祭如賓禮或亦挽手歟公食大夫禮三

牲之肺不離贊者辯取之壹以授賓賓興受坐祭挽

手此有贊者授之而亦挽手則燕禮大射公祭俎皆

挽手可知矣

凡祭酒禮盛者啐酒不盛者不啐酒祭肺禮盛者齎肺

不盛者不齎肺

廷堪案士冠禮醮用酒冠者祭酒興筵末坐啐酒若

但啐之而已鄉飲酒鄉射主人獻賓賓皆祭酒興席

末坐啐酒燕禮大射主人獻賓亦皆祭酒興席末坐

啐酒主人獻公皆禮之盛者鄉射禮主人獻遵遵祭

如賓禮不啐酒注殺於賓也燕禮主人獻卿遂祭酒

不啐酒鄉飲酒主人獻介不啐酒皆禮之殺者特牲  
饋食主人初獻尸尸祭酒啐酒尸醋卽醉主人主人  
祭酒啐酒主人獻祝祝祭酒啐酒主婦亞獻賓三獻  
主婦致爵于主人嗣舉奠皆同少牢饋食主人獻尸  
尸酢主人主人獻祝賓長獻祝上餽餽主人有司徹  
主人獻尸主人受尸酢主婦獻尸主婦致爵于主人  
主婦受尸酢皆祭酒啐酒士虞禮主人獻尸主人獻  
祝經並云祭酒嘗之嘗酒卽啐酒也亦皆禮之盛者  
特牲饋食主人獻佐食主人獻賓少牢饋食主人獻  
兩佐食主婦獻尸主婦獻兩佐食賓長獻尸尸酢賓

長有司徹主人獻侑主人酬尸主人獻長賓上賓三  
獻皆祭酒不啐酒亦皆禮之殺者是禮盛者啐酒不  
盛者不啐酒也鄉飲酒鄉射主人獻賓皆祭肺臠之  
燕禮大射主人獻賓亦皆祭肺臠之皆禮之盛者鄉  
飲酒主人獻介不臠肺鄉射禮主人獻遵不臠肺大  
射主人獻卿不臠肺注不臠啐自貶於君燕禮卿無  
而皆禮之殺者士虞禮尸九飯佐食舉肺脊授尸尸  
受振祭臠之特牲尸九飯同士虞特牲主人獻祝特  
牲主人獻賓有司徹主人獻尸主人受尸酢主婦受  
尸酢皆祭肺臠之亦皆禮之盛者少牢尸十一飯上

禮記卷五 卷五  
佐食舉尸牢肺正脊以授尸經不云祭臠者文不具也按疏下當有尸受祭肺四字有司徹主人獻侑主婦獻侑主人獻長賓皆祭肺不臠肺亦皆禮之殺者是禮盛者臠肺不盛者不臠肺也鄉飲酒尊者入之禮若公則如賓禮啐酒臠肺也大夫則如介禮不啐酒不臠肺也蓋鄉飲酒鄉射之賓猶之燕禮大射之賓也有司徹祭畢饋尸之尸亦猶飲酒之賓也故皆啐酒臠肺盛其禮燕禮大射之有公亦猶鄉飲酒鄉射之有遵也諸公為遵則如賓禮故亦啐酒臠肺尊之與賓同燕禮大射之有卿鄉射之有遵鄉射之遵不臠啐則大夫為之有司徹之有侑亦

猶鄉飲酒之有介也故不啐酒不臠肺殺於賓及尸也鄉飲鄉射之主人有司徹之主人主婦皆尊故亦啐酒臠肺如賓尸禮燕禮大射之主人則以宰夫為之遠下于賓故不特不臠啐併亦無俎但祭酒而已祝尊于佐食故特牲祝臠啐佐食不臠啐少牢祝啐酒佐食不啐酒也少牢祝及佐食俎皆無肺故不祭臠嘉禮介與卿不臠啐則卑於介卿皆不臠啐也吉禮侑與賓不臠啐則卑於侑賓皆不臠啐也

凡祭皆于籩豆之間或上豆之間  
廷堪案公食大夫禮賓祭正饌升席坐取韭菹以辯

搯于醢上豆之間祭此祭豆也贊者東面坐取黍實  
 于左手辯又取稷辯反于右手與以授賓賓祭之注  
 賓亦與受坐祭之于豆祭也此祭黍稷也三牲之肺  
 不離贊者辯取之壹以授賓賓與受坐祭注賓亦每  
 肺與受祭于豆祭此祭俎也祭飲酒于上豆之間此  
 祭酒也皆于豆間祭之云上豆者正饌六豆故也賓  
 祭加饌贊者北面坐辯取庶羞之大與一以授賓賓  
 受兼壹祭之注庶羞輕也白祭之于腳臠之間以異  
 饌也庶羞亦實于豆腳臠臠三豆近賓則注所謂腳  
 臠之間者亦上豆之間也士虞禮尸入九飯取菹搯

于醢祭于豆間特牲饋食尸入九飯右取菹換于醢  
 祭于豆間主婦亞獻祝贊籩祭尸受祭之注籩祭棗  
 栗之祭也其祭之亦于豆祭少牢饋食尸入十一飯  
 尸取韭菹辯換于三豆祭于豆間上佐食取黍稷于  
 四敦下佐食取牢一切肺于俎以授上佐食上佐食  
 兼與黍以授尸尸受同祭于豆祭士虞特牲尸入九飯之前少牢十一飯之前之祭即周官大祝九祭之命祭也少牢經不云命者文不具也注云墮祭爾敦官各肅其職不命者非也又後鄭大祝注引玉藻君若賜之食而君客之則命之祭為命祭亦主人獻祝祝取菹換于醢祭于豆間有司徹主人獻尸尸右取韭菹換于三豆祭于豆間尸取饗蕡蕡



也籩實宰夫贊者取白黑以授尸尸受兼祭于豆間主人獻侑侑右取菹換于醢祭于豆間又取饗蕢同祭于豆祭主婦獻尸尸祭糗脩同祭于豆祭以羊鉶之糗脩兼祭于豆祭主婦受尸酢主婦右取菹換于醢祭于豆間又取饗蕢兼祭于豆祭不饋尸之禮主婦亞獻尸取棗糗祝取栗脯以授尸尸兼祭于豆祭主婦獻祝祝取棗糗祭于豆祭主婦致爵于主人主人右取菹換于醢祭于豆間士昏禮女父禮使者賓左執觶祭脯醢以糗祭醴三注凡祭于脯醢之豆間則

祭醴亦於豆間疏云此及冠禮鄉飲酒鄉射燕禮大射皆有脯醢則在籩豆之間此注不言籩及言豆者省文公食大夫及有司徹豆多者則言祭于上豆之間也據此是脯醢殺羞食羹酒醴之祭皆于籩豆之間或上豆之間也士冠士昏鄉飲酒鄉射燕禮大射諸經文不云祭于籩豆之間者文不具也又案亦有祭不于豆間者公食大夫賓祭正饌扱上鉶以糗辯搗之上鉶之間祭疏云上鉶之間祭者著其異于餘者餘祭于上豆之間賓祭加饌坐席未取梁卽稻祭于醬清間注祭稻梁不以豆祭祭加宜于

禮記卷之五  
加張氏爾岐曰醬清不得言加注偶誤梁是公所親  
設醬清亦公所親設公設是饌尊處故祭梁不于豆  
而於此耳張說是也然醬本豆實大羹清實于鏡注  
瓦豆謂之鏡則醬清間亦豆間但非前所祭上豆之  
間耳唯公食大夫祭鉶于上鉶之間爲異蓋有司徹  
尸祭鉶亦于豆祭也公食有四鉶故云上鉶疏云扱  
上鉶辯擣則唯有一柶優賓故用一柶少牢二鉶祭  
神故宜各有柶也考公食大夫之牲牛羊豕牛鉶二  
羊鉶豕鉶各一牲用一柶則當有三柶鉶用一柶則  
當有四柶今唯一柶故疏云然也

凡餽者亦祭

廷堪案士昏禮婦饋舅姑畢婦餽姑之饌御贊祭豆  
黍肺舉肺脊乃食卒姑醕之婦拜受姑拜送坐祭卒  
爵特牲饋食禮尸出宗人遣舉奠及長兄弟饗注古  
皆作餽佐食授舉各一膚又云皆取舉祭食祭舉乃食  
祭鉶食舉主人酌醕上饗酌酢主人主人坐祭卒爵  
少牢饋食禮尸出司宮設對席乃四人饗又云饗者  
皆祭黍祭舉卒食主人酌醕皆祭酒卒爵是餽者亦  
祭也餽是殺禮亦祭者重尊者之餘也又士昏禮媵  
餽主人之餘御餽婦餘贊酌外尊醕之又婦饋舅姑

婦餽畢媵御餽姑酌之皆不云祭者禮又殺也  
又案曲禮餽餘不祭父不祭子夫不祭妻鄭注食人  
之餘曰餽餽而不祭唯此類也食尊者之餘則祭盛  
之考之禮經餽者亦祭此則云餽餘不祭故鄭氏云  
餽而不祭唯父之于子夫之于妻耳可謂深得經意  
疏復引熊氏說以申之尤爲完密陳氏灝後說雖失  
經意尚知是祭食之祭前說直以爲祭祀之祭則陋  
甚矣顧氏炎武亦以爲祭祀之祭而不蒙上餽餘不  
祭之文其失與陳氏等蓋顧氏之學雖博而于禮經  
特疏故其言如此論語君賜食策註食恐或餽餘故

不以薦亦誤以餽餘不祭爲祭祀之祭

凡飲酒君臣不相襲爵男女不相襲爵

廷堪案燕禮主人洗象觶獻公畢更爵洗升酌膳酒  
以降酢于阼階下注更爵者不敢襲至尊也疏云獻  
君自酢同用觶必更之者不敢因君之爵又公舉大  
夫所媵爵酬賓卒觶後賓進受虛爵降奠于篚易觶  
洗公所飲者象觶故賓必易觶也又主人獻士畢賓  
媵觶于公公坐取賓所媵觶與唯公所賜受者如初  
受酬之禮降更爵洗公所賜者亦象觶故受者必更  
爵也大射儀主人獻公畢更爵洗升酌散燕禮作膳以降

酢于阼階下注更易也易爵不敢襲至尊

此注即以更為易與

燕禮注不又主人酬賓後小臣作下大夫二人媵爵

同說見下媵爵者洗角觶升酌散卒觶後待于洗南小臣請致

者若命皆致則序進奠觶于筐洗象觶升實之序進

坐奠于薦南公酬賓卒觶後賓進受虛觶降奠于筐

易觶興洗又射畢主人獻士後賓媵觶于公酌散卒

爵後降洗象觶升酌膳坐奠于薦南公坐取賓所媵

觶興唯公所賜受者如初受酬之禮降更爵洗此媵

爵者自飲皆用角觶媵爵于公皆用象觶故受者仍

更角觶始酬其他卑者不敢用尊者觶也燕禮亦然此皆

君臣不相襲爵者也至于燕禮大射儀酬賓公有命

則不易不洗注不易君義也不洗臣禮也賓卒觶後

若膳觶也則降更觶洗敖氏繼公曰公優所酬者或

使得用膳觶而不可及乎其他是以更用角觶受酬

者得用象觶蓋以君命之故非常例也特牲饋食禮

主人致爵于主婦後主人更爵酌醋注主人更爵自

酢男子不承婦人爵也祭統曰夫婦相授受不相襲

處酢必易爵明夫婦之別又三獻謂賓也洗爵酌致于

主人主婦更爵酢于主人注賓更爵自酢亦不承婦

人爵又主人洗獻內兄弟于房中更爵酢少牢饋食

禮主婦亞獻尸卒爵祝受尸爵易爵洗酌授尸主婦  
 拜受爵尸答拜注祝出易爵男女不同爵又尸酢後  
 主婦以爵出贊者受易爵于筐以授主婦于房中主  
 婦洗酌獻祝男女不相襲故獻祝亦易爵也有司徹  
 主婦獻尸獻侑致爵于主人畢尸降筵受主婦爵以  
 降注將酢主婦尸易爵于筐盥洗爵注易爵者男女不相  
 襲爵又不償尸之禮主婦亞獻尸卒爵祝易爵洗酌  
 授尸尸以醋主婦又主婦獻祝其酌如償如償如少牢禮也則  
亦易又賓致爵于主人主婦畢易爵于筐洗酌醋于  
 主人此皆男女不相襲爵者也至于特牲饋食禮主

婦亞獻尸酢如主人儀注不易爵辟內子有司徹不  
 償尸之禮主婦致爵于主人受爵酌以醋注自酢不  
 更爵殺蓋男女不易爵皆禮殺之故然則特牲主婦  
 致爵于主人受爵酌醋經不云易爵亦禮殺也  
 又案敖氏繼公曰易觶謂更取角觶或言更或言易  
 互文耳燕禮易觶洗注于尊者言更自敵以下言易  
 更作新易有故之辭疏云上文主人獻公更爵洗下  
 文賓酬卿若膳觶也則降更觶是與尊者之爵言更  
 此文易觶洗是與卑者言易又云下士舉旅公坐取  
 賓所賧觶唯公所賜受者如初受酬之禮降更爵洗

升酌膳彼亦是尊者與卑者之爵不言易而言更者  
旅酬下爲上尊前人故不言易而言更也又云特牲  
賓長致爵于主人主婦言更爵酢者欲得嘉賓美容  
以事其先故言更少牢不饋尸致爵于主人主婦賓  
易爵酢者大夫禮尊于賓有君道故言易張氏爾岐  
曰易猶更也注于更易二義太生分別疏家援證雖  
多亦未見確據朱子經傳通解說同竊謂張氏之說是也考大  
射儀主人獻公畢更爵洗注更易也則鄭氏已不能  
自守其說而疏文出於附會明矣  
凡脯醢謂之薦出自東房

廷堪案薦卽脯醢也士冠禮始加醮用脯醢注凡薦  
出自東房疏云醴尊在房脯醢出自東房酒尊在堂  
脯醢亦出自東房鄉飲酒鄉射特牲少牢薦者皆出  
東房故云凡以該之考士冠禮陳服于房中又云脯  
醢南上士東房西室云房中卽東房也鄉飲酒記薦  
脯五挺橫祭于其上出自左房鄉射記薦脯用籩五  
臠祭半臠橫于上醢以豆出自東房特牲饋食禮視  
濯豆籩鉶在東房又祭日實豆籩鉶陳于房中少牢  
饋食禮視濯少牢視濯卽于祭日與特牲異饋豆籩與篚于房中又  
云改饋豆籩于房中南面如饋之設實豆籩之實又

陰厭主婦薦自東房此皆疏所已言者也公食大夫  
 禮賓升設正饌宰夫自東房授醯醬又云宰夫自東  
 房薦豆六有司徹主人獻尸主婦自東房薦韭菹醢  
 又云婦贊者執昌菹醢以授主婦又云主婦興取籩  
 于房麴蕡又云婦贊者執白黑以授主婦又主婦獻  
 尸興入于房取糗與暇脩執以出又主婦致爵于主  
 人設糗脩如尸禮又主人獻長賓宰夫自東房薦脯  
 醢又不賓尸之禮主婦亞獻反取籩于房中執棗糗  
 又云婦贊者執栗脯此皆疏所未言者也燕禮大射  
 聘禮以及有司徹主人獻脩主人受尸酢主婦獻脩

主婦受尸酢不償尸之禮主婦獻祝主婦致爵于主  
 人賓致爵于主婦所薦籩豆經雖無文則皆出自東  
 房可知也薦亦有不在東房者特牲記云賓與長兄  
 弟之薦自東房其餘疏云謂衆賓兄弟之薦也在東堂是也籩簋  
 銅庶羞亦有在東房者公食大夫禮凡宰夫之具饌  
 于東房注凡非一也飲食之具宰夫所掌也下文凡宰夫所  
設者皆在東房正饌宰夫設黍稷六簋于俎西加饌  
酒漿亦在東房宰夫授公飯梁又宰夫膳稻于梁西少牢陰厭主婦  
 自東房執一金敦黍又云婦贊者執敦稷以授主婦  
 主婦興受又興受贊者敦黍又興受贊者敦稷此籩

簋之在房者也公食大夫禮宰夫設鉶四于豆西少  
 牢尸入上佐食羞兩鉶取一羊鉶于房中又云下佐  
 食又取一豕鉶于房中以從特牲鉶在房中見上有司徹主婦  
 獻尸入于房取一羊鉶又云主婦贊者執豕鉶以從  
 主婦致爵于主人設二鉶如尸禮此鉶之在房者也  
 有司徹及不賓尸之禮宰夫羞房中之羞此羞之在  
 房者也此內羞故在房亦有不在東房者特牲視濯兩敦在  
 西堂公食大夫士羞庶羞由門入升自西階是也若  
 士虞禮饌兩豆菹醢于西楹之東醢在西一鉶亞之  
 從獻豆兩亞之四籩亞之則是反吉非恆例矣

又案有司徹注房中之羞其籩則糗餌粉餈其豆則  
 醢食糝食則內羞亦籩豆也內羞是穀物庶羞是牲  
 物

凡牲皆用右胖唯變禮反吉用左胖

廷堪案鄉飲酒記賓俎脊脅肩肺主人俎脊脅臂肺  
 介俎脊脅肫脰肺皆右體進腩鄉射記賓俎脊脅肩  
 肺主人俎脊脅臂肺皆右體也進腩注右體周所貴  
 也此嘉禮用右胖也特牲饋食記尸俎右肩臂膾肫  
 脰正脊二骨橫脊長脅二骨短脅少牢饋食禮實鼎  
 司馬升羊右胖髀不升注上右胖周所貴也又云司



士升豕右胖髀不升又將祭載俎上利升羊載右胖  
髀不升又云下利升豕其載如羊有司徹司馬杞羊  
亦司馬載載右體又云司士杞豕亦司士載亦右體  
此吉禮用右胖也是凡牲皆用右胖也既夕禮大遣  
奠陳鼎其實羊左胖髀不升豕亦如之注反吉祭也  
士虞記豚解升左肩臂臠肫胙脊脅又云升腊左胖  
髀不升是變禮反吉始用左胖也至于特牲記賓鶩  
注鶩左鶩也賓用左鶩者下尸也有司徹侑俎羊左  
肩左肫又云豕左肩折侑用左體者亦下尸也主婦  
俎羊左臠主婦用左體者因俎無體故下主人也

此皆禮之殺者故不用右胖也

又案士冠禮若殺則特豚載合升注煮于鑊曰亨在  
鼎曰升在俎曰載載合升者明亨與載皆合左右胖  
士昏禮初昏陳鼎其實特豚合升去蹄注合升合左  
右胖升于鼎也士喪禮大斂奠陳鼎豚合升注合升  
合左右體升于鼎冠禮人道之始昏禮男女之始大  
斂人道之終故皆合升左右胖異於他禮也又士冠  
禮若殺注凡牲皆用左胖疏云特牲少牢皆用右胖  
少儀云大牢則以牛左肩折九箇爲歸胙用左則用  
右而祭之鄉飲酒鄉射用右體與祭同據周而言也

此云用左鄭據夏殷之法與周異也竊謂注凡牲皆用左胖當作右胖左字蓋傳寫之誤疏以若不醴則醴用酒為夏殷冠子之法故為此說以遷就之不足信也陳氏祥道曰豚則吉凶皆合升用成牲則升其胖而去髀吉升右而凶升左

凡牲二十一體謂之體解

廷堪案特牲饋食記右肩臂臠肫胙正脊二骨橫脊長脊二骨短脊此九體也少牢饋食禮司馬升羊右胖髀不升肩臂臠肫胙正脊一脰脊一橫脊一短脊一正脊一代脊一注髀不升近竅賤也肩臂臠肫骨

臠胙股骨脊從前為正脊旁中為正脊先前脊先後屈而反猶器之縵也此十一體也疏云脊以前為正其次名脰卻後名橫此三脊之次序也疏又以代脊最在前則正脊居中代脊在後矣此三脊之次序也司士升豕右胖同特牲九體少牢多脰脊代脊為十一體合左胖肱骨三股骨二脊骨三為十九體加二殼為二十一體皆體解也又鄉飲酒記注凡牲前脰骨二肩臂臠也後脰骨二臠胙也陳氏祥道曰肱骨三肩臂臠也股骨三肫亦作臠音純胙亦作肫音純殼也脊骨三正脊脰脊橫脊也脊骨三代脊長脊特牲又曰幹短脊也

正脊之前則臚也

亦謂之脰

臚之上則髀也然則左右肱

之肩臂臠與左右股之肱脰而為十有二脊骨三

與左右脅骨六而為九二穀正祭不薦于神尸主人

之俎兩髀不升于主人主婦之俎臚不升于吉祭之

俎

士虞祝俎髀脰

則祭之所用者去髀臚而二十有一去二

穀而為十九矣陳氏之說蓋本之于少牢疏

少牢上利升羊

注凡牲體之數及載備于此疏言二

十一體取二穀不取二髀與陳說同

朱文公以陳氏為穿鑿欲去兩穀而以兩髀備二十一體之數不但

與賈疏異且與經文髀不升之說亦不相合矣

凡牲七體謂之豚解

廷堪案七體之說有二士虞記升左肩臂臠肱脰脊

脅注脊脅正脊正脅也喪禮略七體耳此七體也此

左肱之七體亦謂之體解士喪禮小斂陳一鼎其實

特豚四髀去蹄兩肱脊注髀解也四解之殊肩髀而

已肱脅也如注言殊肩髀為四加兩脅一脊為七亦

七體也此全牲之七體則謂之豚解士虞記殺于廟

門西主人不視豚解注豚解前後脛脊脅而已熟

乃體解升于鼎也是注所謂豚解即指四髀兩肱一

脊也陳氏祥道曰國語曰禘郊之事則有全脊王公

立飫有房脊親戚燕飲有殺脊則全脊豚解也房脊

體解也殺胥骨折也士喪禮特豚四鬣去蹄兩胎也

脊既夕鼎實羊左胖亦如之然則四鬣者殊左右肩

髀而為四又兩胎一脊而為七此所謂豚解也士喪

禮略豚解而已至虞然後豚解體解兼有焉若夫正

祭則天子諸侯有豚解體解禮運曰腥其俎孰其殺

謂豚解而腥之為七體孰其殺謂解之爛之為二十一體大夫士有體解無豚解

以其無朝踐獻腥之禮故也說與鄭注合朱文公儀

禮經傳通解曰豚解之義陳說得之則亦以其說為

然也若夫析之為九體為十一體為十九體為二十

一體以及士虞七體蓋皆體解矣鄉飲酒禮主人獻

賓乃設折俎疏云凡解牲體之法有全胥其豚解為

二十一體體解則此折俎是也則誤以體解為豚解

而別以折俎為體解不可從也

凡肺皆有二一舉肺一祭肺

廷堪案士冠禮離肺注離割也割肺者使可祭也可

瘠也此即舉肺也離者午割之離而不殊畱中央少

許相連祭時以右手絕而祭之其餘在左手者則瘠

之也鄉飲酒鄉射燕禮大射皆先祭後瘠是皆離肺

也公食大夫禮三牲之肺不離注不離者刲之也不

言刲則祭肺也此舉肺不離而刲之者便賓祭也

祭離肺者絕肺祭也此卽祭肺也考下文賓興受坐祭不云膾之則爲祭肺可知注以爲舉肺者非也士虞記云離肺又云祭肺注離肺舉肺也特牲饋食記離肺一注離猶揜也小而長午割之亦不提心謂之舉肺又云刲肺三注爲尸主人主婦祭今文刲爲切少牢饋食禮司馬升羊司士升豕皆云舉肺一祭肺三注舉肺一尸食所先舉也祭肺三爲尸主人主婦皆舉肺祭肺兼有者也有司徹尸主人羊俎皆祭肺一羊肉清皆膾肺一豕俎皆膾肺一亦舉肺祭肺兼有侑羊俎豕俎有切肺無膾肺主婦俎有膾羊肺無

祭肺皆不備禮也士昏禮舉肺脊二祭肺二注每皆二者夫婦各一耳疏云祭時二肺俱有生人唯有舉肺今此得有祭肺者禮記郊特牲論娶婦元冕齊戒鬼神陰陽也故與祭祀同也今考亦有鬼神而用舉肺者旣夕禮大遣奠鼎實離肺是也亦有生人而用祭肺者公食大夫禮三牲之肺不離是也

凡牲殺曰饗生曰餼饗之屬皆陳于堂上下餼之屬皆陳于門內外

廷堪案聘禮歸聘賓饗餼饗飪一牢鼎九設于西階前陪鼎當內廉東面北上上當碑南陳牛羊豕魚腊

腸胃同鼎膚鮮魚鮮腊設局霽腳臙臙蓋陪牛羊豕  
 牲之已亨者謂之飪此飪一牢鼎九及陪鼎三設于  
 西階前又云腥二牢鼎二七無鮮魚鮮腊設于阼階  
 前西面南陳如飪鼎二列牲之未亨者謂之腥此腥  
 二牢各七鼎設于阼階前飪與腥皆饗也是牲之殺  
 者曰饗也又云堂上八豆設于戶西西陳皆二以竝  
 東上韭菹其南醯醢屈注屈猶錯也八簋繼之黍其南稷  
 錯六鉶繼之牛以西羊豕南牛以東羊豕兩簋繼  
 之梁在北八壺設于西序北上二以竝南陳此陳于堂之饌  
 西夾六豆設于西墉下北上韭菹其東醯醢屈六簋

繼之黍其東稷錯四鉶繼之牛以南羊豕東豕豕以  
 北牛兩簋繼之梁在西皆二以竝南陳六壺西上二  
 以竝東陳饌于東方亦如之西北上壺東上西陳此  
 夾于東西此堂下所陳皆從飪牢者也又云醯醢百饗  
 夾碑十以為列醢在東又云米百筥記四秉設于中  
 庭十以為列北上黍梁稻皆二行稷四行此堂下所  
 陳皆從腥牢者也皆饗之屬陳之以堂為則故曰饗  
 之屬皆陳于堂上下也又上介饗籩三牢飪一牢在  
 西鼎七羞鼎三腥一牢在東鼎七此上介之饗飪腥  
 各一牢亦在階前又云堂上之饌六西夾亦如之此

從飪牢者陳于堂上又云筥及壘如上賓此從腥牢者陳于堂下其數皆減于賓禮殺也又聘前宰夫設殮聘賓飪一牢在西鼎九羞鼎三腥一牢在東鼎七堂上之饌八西夾六上介飪一牢在西鼎七羞鼎三堂上之饌六又云衆介皆少牢注亦上介有飪無腥衆介飪無牛皆隆殺之義設殮故有饌無饌也又歸饗餼聘賓餼二牢陳于門西北面東上牛以西羊豕豕西牛羊豕注餼生也此餼二牢皆陳于門內是牲之生者曰餼也又云門外米三十車車秉有五簋注秉有五簋二十四斛也聘禮記十六斗日數十設于門東爲三列東陳禾三簋曰秉二百四十斗

十車車三秬聘禮記四百設于門西西陳薪芻倍禾秉爲一秬此米禾薪芻從生牢者也皆陳于門外陳之以門爲則故曰餼之屬皆陳于門內外也又上介餼一牢門外米禾視死牢牢十車薪芻倍禾凡其實與陳如上賓賓餼二牢上介餼一牢殺也又士介四人皆餼大牢米百筥設于門外注牢米不入門略之也士介饗則有米無牢餼則有牢無米又皆在門外禮又殺也前歸賓饗餼米百筥設于中庭敖氏繼公曰此米從餼者也竊謂敖氏以此節在餼二牢之下故望文生義以爲從餼非也以米言之簠簋之米從飪牢筥米

從腥牢車米從生牢經例甚明考之下經歸上介饗  
 任腥各一牢堂上之饌六西夾亦如之下即云筥及  
 壘如上賓則米筥在醢醢壘之上則從饗可知然則  
 歸賓饗餼米百筥節似非其次宜在醢醢百壘節之  
 上絕爛誤在餼二牢節之下也

又案聘禮夫人使下大夫韋弁歸禮聘賓堂上籩豆  
 六設于戶東西上二以竝東陳壺設于東序北上二  
 以竝南陳醢黍清皆兩兩壺上介四豆四籩四壺又  
 大夫餼賓大牢米八筐聘禮記凡餼大夫黍梁稷筐五斛上介亦如  
 之衆介皆少牢米六筐夫人之禮無牢無簠簋但有

籩豆及壺大夫有餼無饗皆遠下人君也

又案論語君賜食即禮所謂飪也君賜腥即禮所謂  
 腥也君賜生即禮所謂餼也自何氏集解而後說論  
 語者皆不知為典禮所關雖江氏永之深於禮而所  
 著鄉黨圖考亦未引此經以證之甚矣讀書會通者  
 之難也

又案公食大夫禮若不親食使大夫各以其爵朝服  
 以侑幣致之豆實實于壘陳于楹外二以竝北陳簋  
 實實于筐陳于楹內兩楹間二以竝南陳庶羞陳于  
 碑內庭實陳于楹外牛羊豕陳于門內西方東上賓



禮記釋義 卷五  
朝服以受如受饗禮無饋此歸食禮于賓故有饗無  
饋也

凡食于廟燕于寢鄉飲酒于庠

廷堪案公食大夫禮公迎賓于大門內公揖入賓從  
及廟門公揖入注廟禰廟也是食禮行于廟也燕禮  
膳宰具官饌于寢東注寢路寢燕禮記燕朝服於寢  
注燕於路寢相親昵也是燕禮行於路寢也鄉飲酒  
禮經文不云行于何處禮記鄉飲酒義主人拜迎賓  
于庠門之外入三揖而后至階三讓而后升所以致  
尊讓也是鄉飲酒之禮行于庠也鄉飲酒義鄭注云

庠鄉學也州黨曰序孔氏正義曰此謂鄉大夫故迎  
賓于庠門外若州長黨正則于庠門外也又鄭目錄  
云名曰鄉飲酒義者以其記鄉大夫飲賓于庠序之  
禮尊賢養老之義據此則鄉飲酒亦有行于序者考  
鄉飲酒禮注主人謂諸侯之鄉大夫也則禮經此篇  
行之于庠可知故鄉飲酒義亦云迎賓于庠門之外  
也而禮記鄭注孔疏及鄭目錄皆云庠序者蓋兼州  
長習射黨正蜡祭言之

又案公食大夫禮及廟門疏云儀禮之內單言廟者  
皆據禰廟是以昏禮納采云至于廟記云凡行事必

用昏昕受諸禰廟以此而言則言廟皆禰廟也若非禰廟則言廟祧若聘禮云不腆先君之祧問卿云受於祖廟之類是也但受聘在祖廟食饗在禰廟燕輕於食饗又在寢是其差次也饗禮篇亡周官大宗伯以饗燕之禮親四方之賓客賈疏亦云饗烹大牢以飲賓獻依命數在廟行之蓋饗食燕三者饗最重食次之燕又次之故賈氏云然若然則饗禮亦行于禰廟也

周官九祭解

大祝九祭後鄭破杜子春及先鄭之說以為皆飲食之

祭善矣惜其猶雜徵傳記未能悉依禮經也爰取舊注

之善者從之餘則以經為主下以已意俟後之學者擇

焉一曰命祭謂墮祭也墮祭即按祭土虞作墮祭注今

按祭注周禮曰既祭則必祝命之故曰命祭文墮為緩特牲作

禮尸入祝命按祭尸執觶右取菹亦作于醢祭于豆

間佐食取黍稷肺祭授尸尸祭之祭酒啐酒告旨祭鉶

嘗之告旨士虞禮祝命佐食墮祭祭豆在祝命之前與

特牲小異餘大率同也特牲不云命佐食者文不具也

少牢饋食禮尸入祝反南面注未有事也墮祭爾敦官

各肅其職不命此說非也按士虞祝拜妥尸此西面拜

也與少牢同拜畢就南面位命墮祭特牲命授祭亦南面則少牢墮祭亦當命之士虞特牲云命祭少牢云南面互見也大夫威儀多不宜殺于士矣此祭在尸未飯時悉備諸祭蓋祭食之最重者故以為首二曰衍祭謂祭酒也詩小雅伐木醕酒有衍籩豆有踐毛傳衍美貌又特牲饋食禮主人洗角升酌醕尸注醕猶衍也是知衍祭為祭酒也飲酒之禮獻酒必祭如鄉飲酒鄉射燕禮大射士虞特牲少牢有司徹之獻酒皆祭雖獻工獻笙獻獲者獻釋獲者獻祝獻佐食之屬無不祭者酢酒酬酒以及舉觶媵爵為旅酬無算爵始之酒亦必祭唯至旅

酬無算爵乃不祭耳凡祭酒皆左手執爵于豆間祭之又祭醴亦啐之祭釧亦嘗之而告旨則祭醴祭釧當附于衍祭也三曰炮祭謂祭豆籩也鄭康成曰炮字當為包聲之誤也包猶兼也按籩實為脯豆實為醢則用擣祭或振祭籩實為糗脩豆實為菹醢則用兼祭有司徹主婦受尸酢左執爵右取菹換于醢祭于豆間此祭豆也又取麩蕡兼祭于豆祭此祭籩也豆籩同祭故謂之兼祭不償尸之禮主婦亞獻尸左執爵取棗糗祝取栗脯以授尸尸兼祭于豆祭亦兼祭也他如特牲主人獻尸有司徹主人獻侑受尸酢主婦獻尸獻侑致爵于主

禮記卷之五  
人不得尸之禮主婦獻祝致爵于主人賓致爵于主婦  
皆豆籩同祭經或云兼祭或云同祭其實皆兼祭也後  
鄭所舉有司徹宰夫贊者取白黑以授尸尸受兼祭于  
豆祭則主人獻尸之禮也四曰周祭鄭康成曰周猶徧  
也曲禮曰殺之序徧祭之按公食大夫禮賓祭正饌坐  
取韭菹以辯卽徧字擣于醢上豆之間祭此祭豆也豆有  
六故云辯又云贊者東面坐取黍實于左手辯又取稷  
辯反于右手與以授賓賓祭之此祭黍稷也簋有六故  
云辯又云三牲之肺不離贊者辯取之壹以授賓賓與  
受坐祭此祭肺也食禮用牛羊豕故云辯又云扱上鉶

以柶辯擣之上鉶之間祭此祭鉶也鉶有六故云辯又  
賓祭加饌贊者北面坐辯取庶羞之大興一以授賓賓  
受兼一祭之此祭庶羞也庶羞十六豆故云辯皆周祭  
也至于少牢墮祭尸取韭菹辯擣于三豆祭于豆間則  
又命祭中之周祭矣五曰振祭六曰擣祭皆謂祭薦俎  
也鄭康成曰振祭擣祭本同不食者擣則祭之將食者  
旣擣必振乃祭也按士虞特牲尸入九飯佐食舉肺脊  
舉幹舉骼士虞作脰擣肩皆振祭躋之少牢尸入十一飯上  
佐食舉牢幹魚腊肩牢骼牢肩尸亦振祭躋之前此上  
牢肺正脊以授尸當亦振祭此皆祭俎不擣而卽振者  
躋之經不云者文不具也

也土虞特牲少牢有司徹凡以肝燔從者皆擣于俎鹽振祭躋之此則擣而後振者也將食故必振鄉飲酒鄉射燕禮大射所云祭薦皆是擣祭鄉射記云薦脯五臟祭半臠橫于上臠長尺有二寸蓋祭者左執爵右取祭脯擣于醢而祭于豆間不食故不振經不云擣者省文也若籩實是糗脩之屬不可擣則必取菹擣于醢兼取籩實祭之又為兼祭矣賈疏引特牲少牢按祭以明不食則不振非注意也少牢主人獻祝祝取菹擣于醢祭于豆間此方是擣祭若按祭所云則命祭中之擣鄭司農曰絕祭不循其本直絕肺以祭也繚祭以手從

肺本循之至于末乃絕以祭也鄭康成曰絕祭繚祭亦本同禮多者繚之略者絕則祭之按鄉射燕禮大射主人獻賓大射主人獻卿特牲主婦致爵于主人主人獻賓有司徹主人獻尸主人主婦受尸酢不僮尸之禮主婦致爵于主人賓致爵于主婦經皆云興取肺坐絕祭是大夫士皆絕祭非繚祭也唯鄉飲酒禮主人獻賓賓興右手取肺卻左手執本坐弗繚右絕末以祭尚左手躋之興加于俎注以弗繚為繚祭鄭司農亦引此以為繚祭之證疏云鄉飲酒大夫禮故云繚祭鄉射士禮故云絕祭但繚必兼絕絕不得兼繚是以此經云繚兼言

絕也又云燕禮大射雖諸侯禮以臣在君前故不爲繚祭然則有司徹大夫禮非在君前何以亦不繚祭也張稷若曰弗繚者直絕末以祭不必繚也大夫以上乃繚士則否經文言弗繚以賓固士也說與鄭賈異如張氏所言則禮經無繚祭矣九曰共祭鄭康成曰共猶授也謂授祭也按燕禮主人獻公膳宰贊授肺大射主人獻公庶子贊授肺此絕祭也士虞特牲少牢墮祭皆佐食授之此命祭也尸入飯時舉牲體亦佐食授之此振祭也有司徹主人獻尸宰夫贊者取白黑以授尸不饋尸之禮主婦亞獻祝取栗脯以授尸此兼祭也公食大夫

祭黍稷祭肺祭庠羞亦贊者授之此周祭也皆爲共祭也有司徹主婦致爵于主人其祭糗脩祭鉶祭酒皆如尸禮張忠甫疑其字是共字之誤非也前尸祭籩是兼祭若祭鉶祭酒則不授也凡祭遠者授近者不授脯醢羹酒皆在席前故祭薦祭鉶祭酒無授祭也共祭亦備諸祭故以爲九祭之終焉若夫命祭杜子春以爲祭有所主命鄭康成又以爲玉藻之君命衍祭鄭司農以爲祭殤鄭康成又以爲曲禮之延客祭炮祭鄭司農以爲燔柴祭天周祭鄭司農以爲四面爲坐賈公彥解以爲祭百神皆與禮經不合則不暇悉爲之辨矣

儀禮釋牲上篇

凡牲左體謂之左肸右體謂之右肸前體謂之肱骨又謂之前脛骨肱骨三最上謂之肩肩下謂之臂臂下謂之臑後體謂之股骨又謂之後脛骨股骨三最上謂之肫又謂之膊肫下謂之胛又謂之骼胛下謂之殼中體謂之脊脊骨三前骨謂之正脊中骨謂之脰脊後骨謂之橫脊脊兩旁之肋謂之脅又謂之胎又謂之幹脅骨三中骨謂之正脅又謂之長脅前骨謂之代脅後骨謂之短脅少牢饋食禮鄭氏注脊從前為正脅旁中為正肩上謂之脰又謂之脰肫上謂之髀餘骨謂之儀所以踐地謂之蹄土昏土喪皆云去蹄

則凡牲皆去蹄可知脊骨盡處謂之尻皮謂之膚精者謂之倫膚

腹腴謂之腸胃知食味者謂之心舌氣主謂之肺舉肺

謂之離肺又謂之齊肺祭肺謂之剝肺又謂之切肺肺

與正脊謂之舉肉理謂之腠又謂之奏鄉飲酒記鄉射記皆作腠公食

大夫禮作奏肉在汁中者謂之肉清殊左右肱股四脊一兩

脅二謂之七體又謂之豚解豚解謂之全脅士虞記豚解鄭注豚

解解前後脛脊脅而已左右肱股骨各六脊骨三左右

脅骨六謂之二十一體又謂之體解體解謂之房脅股

三陳氏祥道禮書曰肫也胛也殼也殼不數髀以經云髀不升故也儀禮經傳通解謂當去二殼增二髀為二十

一體與節解謂之折骨折謂之殺脊凡士冠昏喪之牲

特豚鄉飲酒鄉射燕大射之牲狗士虞特牲之牲豕既  
夕少牢有司徹之牲羊豕公食大夫之牲牛羊豕凡牛  
羊有腸胃無膚豕有膚無腸胃少儀曰君子不食國殃凡牲皆用  
右體進腩變禮則用左體進祇凡腊之體同牲

儀禮釋牲下篇

在鼎謂之升在俎謂之載士冠之鼎合左右胖離肺士  
昏之鼎合左右胖去蹄舉肺脊二祭肺二士昏三鼎其  
公食大夫之鼎牛羊豕各一鼎牛羊腸胃共一鼎豕膚  
一鼎公食下大夫七鼎其二鼎則魚腊士喪之鼎四鬣  
去蹄兩胎脊肺此即豚解小斂奠一鼎大斂奠朔月奠  
既夕遷祖奠皆三鼎其二鼎則魚腊既

夕大遣奠五鼎羊豕皆左  
胖其三鼎則魚腊鮮獸也  
士虞之鼎左肩臂臠肫肫脊

膾離肺膚祭三肺祭一特牲之鼎豕右胖十一體士虞

皆三鼎其二少牢之鼎羊豕右胖各一鼎豕膚一鼎羊

鼎則魚腊之體皆不升少牢五鄉飲酒鄉射賓俎脊脅肩肺主人

俎脊脅臂肺遵俎脊脅臠肺見賈氏疏遵鄉飲酒介俎

脊脅臠肺賈疏大夫用臠俎卑于賓主人尊于介若有一

肫則介用肫故肫肫鄉射獲者之俎折脊脅肺臠肫字

兩見或曰肫字行鄉射獲者之俎折脊脅肺臠肫字

大射獻服不注引鄉釋獲者之俎折脊脅肺皆有祭注

射記證之亦無臠字釋獲者之俎折脊脅肺皆有祭

獲者也祭燕禮大射賓俎脊脅肩肺燕禮記唯公與賓

祭肺也祭燕禮大射賓俎脊脅肩肺燕禮記唯公與賓

賓鄭注引鄉射記曰賓俎脊脅燕禮記唯公與賓

肩肺證之燕禮當與大射同公俎脊脅臂肺大射主人獻公

豐經釋義

卷五

五



庶子設折俎注引鄉射記曰主人俎脊脅臂大射卿俎

肺然則公俎如鄉飲酒鄉射之主人俎也折俎注卿折俎未

脊脅臠折肺大射主人獻卿庶子設折俎注卿折俎未

公食大夫之俎肩臂臠肫骼脊脅此賈疏所說即士虞

其左脾以爲庶羞牛羊豕各一俎牛羊腸胃七其一

俎豕倫膚七一俎上下大夫或七或九士虞尸俎如其

鼎祝俎髀脰脊脅離肺特牲少牢折俎心舌特牲饋食

尸俎右肩臂臠肫脰正脊二骨橫脊長脅二骨短脅膚

三離肺一剝肺三此特牲九體祝俎髀脰脊二骨脅二

骨膚離肺各一俎俎臂正脊二骨橫脊長脅二骨短脅

膚離肺各一俎俎主主婦俎殼折其餘如昨俎佐食俎

殼折脊脅膚離肺各一賓俎骼長兄弟宗人俎折其餘

如佐食俎衆賓衆兄弟內賓宗婦公有司私臣俎皆殺

脊膚離肺各一少牢饋食尸羊俎右脾肩臂臠肫脰正

脊脰脊橫脊各一短脅正脅代脅各一腸胃各三舉肺

一祭肺三此少牢十尸豕俎如羊無腸胃豕膚九另俎

祝俎牢髀橫脊短脅各一腸胃各一膚三佐食俎折一

膚有司徹尸羊俎右體肩臂臠肫脰臠在肫正脊脰脊

橫脊各一短脅正脅代脅各一腸胃祭肺各一侑羊俎

左肩左肫正脊及脅各一腸胃切肺各一昨羊俎肺祭

肺各一尸俎侑唯羊俎爲正俎其尸昨羊肉清二俎尸

豐登率刊 卷五 五



